


文獻通考

三百廿八之世

四裔 南蠻

百十三

內閣文庫			
五函	二		漢
九	四		書
架	冊	號	類



內閣文庫			
二九函	二四		漢
四	三三		書
架	冊	號	類

內閣文庫			
番號	漢	2430	
冊數	120 (114)		
函號	294	3	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak




通典卷之三百二十八

四裔考

鄱陽 馬端臨 貴與 著



杜氏通典邊防總序曰南蠻其在唐虞與之要質
 故曰要服夏商之時漸為邊患暨于周代黨眾彌
 盛故詩曰蠢爾荆蠻大邦為讎至楚王時蠻與羅
 共敗楚師殺其將屈瑕莫敖不設備故敗繼于
 楚師復振遂屬於楚及吳起相悼王南并蠻越遂
 有洞庭蒼梧之地今長沙衡陽等郡也秦昭王使將伐楚畧



取蠻夷置黔中郡

今武陵澧陽及黔中五溪中諸郡也

漢興以後時

有寇盜其西南諸夷夜郎之屬悉平定置郡縣

郡播州犍為郎古夜郎地

公孫述時夜郎大姓為漢保境後漢

初從番禺江奉貢光武建武中武陵蠻師單程

陵澧陽黔中寧夷盧溪等郡郎漢武陵郡

大寇郡縣漢將劉尚戰敗數

歲方平順帝時武陵太守增其租賦蠻又舉種反

殺鄉吏東晉時沔中蠻因劉石亂後漸徙於陸渾

以南徧滿山谷宋齊以後荆雍二州

今荆南江陵郡雍州襄陽

郡各置校尉以撫寧之群蠻酋師互受南北朝封

爵至後魏末暴患滋甚僭稱侯王屯據峽路斷絕

行旅周武帝遣陸騰大破之其獠初因蜀李勢亂

後自蜀漢山谷出侵擾郡縣至梁時州郡每歲伐

獠以自利及後周平梁益

梁漢川益蜀川

自爾遂同華人

矣以其黔中東謝自古不臣中國唐貞觀以後置

羈縻州領之

盤瓠種

盤瓠種昔帝嚳時患犬戎入寇乃訪募天下有能得

犬戎之吳將軍頭者妻以少女時帝有畜狗名曰盤

瓠遂術其將軍首而至乃以女配之

杜氏通典曰按范曄後漢史蠻

夷傳皆惟誕不輕大抵諸家所序四夷亦多此類未詳其本出且因而商畧之辨云高辛氏募能得犬戎

之將軍頭者購黃金千。謚邑萬家妻以少女。按黃金
周以前為斤。秦以二十兩為鎰。三代以前分土自秦
漢分人又周。末始有將軍之官。其果姓。豈自周命。氏
非皆以高辛之代。何不詳之。甚又宋史。曄被收後。於
獄中與諸甥姪書。自序云。六女諸序。論筆勢。放縱實
天下之奇作。其中合者。往往不減。過秦篇。嘗共比方
班氏。非但不愧之而已。按班賈序事。豈復。語
惟而曄比。謬若此。又何不減。不愧之有乎。盤瓠得

女負走入南山

在國之南。卽五溪之中山。

止石穴中。生六男六女。

因自相夫妻。織績木皮。染以草實。好五色衣服。製裁

皆有尾形。衣裳斑斕。語言侏離。其後滋蔓。號曰蠻夷。

有邑君長。名渠帥。曰精夫。相呼為媿徒。

說文曰。媿。女也。鳥所居。皆深山重阻。人跡罕至。長沙黔中五溪蠻

皆是也。

一辰溪。一酉溪。三巫溪。四五溪。五沅溪。

秦昭王使白起伐楚。略

取蠻夷。始置黔中郡。漢興改為武陵郡。

今武陵。澧陽黔中。寧夷。廬

澧。廬。陽。靈。溪。潭。陽。邵。地。皆。是。也。

歲令大人輸布一疋。小口二丈。是謂

賓布。

說文曰。賓。南蠻賦之。冬反。

雖時為寇盜。而郡國討平之後。漢

光武建武二十三年十二月。武陵蠻精夫相單程等

大寇郡縣。遣武威將軍劉尚發南郡。

今江陵。巴東。夷陵。

長沙

武陵。

今澧陽。武陵。黔中郡也。

兵萬餘人。乘船泝流。自

沅水入武溪。擊之。

沅水出牂牁。故且蘭。東北經靈溪。長沙。巴陵。郡入洞庭。通江也。武陵

溪在今廬。靈溪。郡。靈溪縣。

尚輕敵。深入。悉為所沒。又遣伏波將軍

馬援將兵至臨沅。

今武陵郡縣。卽漢陵。沅。縣地。

擊破之。單程等饑

困乞降。會援病卒。謁者宋均為置吏以司之。群蠻遂

平。歷章和安順四朝。累及叛攻劫州郡。討平之。永和初。武陵太守上書。以蠻夷卒服。可比漢人。增其租賦。議者皆以爲可。尚書令虞詡獨奏曰。自古聖王。不臣異俗。非德不能及。威不能加。其獸心貪婪。難率以禮。是故羈縻而綏撫之。附則受而不逆。叛則棄而不追。先帝舊典。貢稅多少。所由來久矣。今猥增之。必有怨叛。計其所得。不償所費。帝不從。其冬。澧中。鏤中。蠻澧水全桓靈二帝。又累反叛。攻劫州郡。討破之。蜀先主章武初。吳將李異屯巫秭歸。今巴東郡縣先主遣將軍吳班

攻破之。於是武陵五溪蠻夷相率響應。今黔中道謂之五溪其

後種落布在諸郡縣。居武陵者爲五溪蠻。而芘都天門巴東建平江北諸郡。蠻所居皆深山重阻。人跡罕

至焉。自晉劉石亂後。諸蠻無所忌憚。故其族漸得北遷。陸渾以南。滿於山谷。宛洛蕭條。略爲丘墟矣。魏道

武泰常八年。蠻王梅安率渠帥數千朝京師。求留質子以表忠款。詔拜官褒慰之。延興中。大陽蠻首桓誕

誕玄子玄誅誕。入蠻中。蠻推爲主。擁河水以北。漁葉以南。八萬餘落。遣使內附。孝文嘉之。拜誕征南將軍。荊州刺史。襄陽

王後降爲公。其後蠻首田益宗。雷婆思等。俱率衆內

屬景明三年魯陽蠻伯鸞四年東荊州蠻樊素等反
俱討平之永寧初東京州表太守桓叔興前後招慰
太楊蠻歸附者一萬七百戶請置郡十六縣五十詔
從之叔興誕子也三年梁遣兵討江沔破掠諸蠻遣
兵擊走之其後累遣將圍廣陵楚城諸蠻並爲前驅
自汝水以南蠻暴掠連年攻討散而復合其暴滋甚
又有冉氏田氏向氏者陬落尤甚餘則大者萬家小
者千戶更相崇僭稱王侯屯據三峽斷過水路荆蜀
行人至有假道者周文畧定伊纏聲教南被諸蠻畏
服武成初文州蠻及冉令賢向五子等叛討平之隋

置辰州以處蠻唐置錦州溪州巫州叙州皆其地也
唐季蠻酋分據其地自署刺史晉天福中馬希範襲
父業有湖南溪州刺史彭士愁等以溪錦蔣州歸馬
氏立銅柱爲界宋建隆四年慕容延釗平湖湘知溪
州彭允林前溪刺史田洪贊等列狀歸順詔仍其官
父歿則以其子繼之太平興國二年梅山洞蠻首領
率衆寇劫商人詔遣使招諭猶寇暴不止乃發潭州
兵擊平之八年溪錦叙富四州蠻相率詣辰州願比
內郡民輸租稅詔不許自後首領入貢不絕每加賞
賜存恤之最大者曰彭氏彭氏世有溪州州有三曰

上中下。又有龍賜天賜忠順保靖感化永順州六懿安遠新給富來寧南順高州十一總二十州皆置刺史而以下溪州刺史兼都誓主十九州皆隸焉。謂之誓下州。誓下州將承襲都誓主率蠻酋合議子孫若弟姪親黨人當立者。具州名移辰州。州爲保證申鈴轄司以聞。廼賜勅誥印符受命者隔江北望拜謝。州有押案副使及校吏聽自補置。彭氏自允姝文勇儒猛相繼爲下溪州刺史。天禧中儒猛叛亡辰州發兵捕之執其子仕漢等歸京師。儒猛降授仕漢殿直處之西京。後輒遁歸天聖初以狀白辰州自言父老兄

亡潛歸本道願放還家屬詔徙其家京師舍以官第未幾儒猛言仕漢逃歸引羣蠻爲亂遣別子仕端等殺人朝廷嘉其忠降詔獎諭自咸平以來始聽二十州納貢歲有賜蠻以爲利有罪則絕之。熙寧初天子方用兵以威四夷湖北提刑趙鼎言陝州洞酋刻剝無度蠻衆願內附屬辰州布衣張翹亦上書言南北江利害遂以章惇察訪湖北經制蠻事。北江諸蠻隸辰州在黔之西南阻五溪漢黔中地爲羈縻州三十六而下溪州爲大彭氏世居之南江諸蠻自辰州達于長沙各有溪峒本唐郡縣五代失守諸酋分據其

地曰叙曰峽曰中勝曰元則舒氏居之曰獎曰錦曰懿曰晃則田氏居之曰富曰鶴曰保順曰天賜曰古則向氏居之惇既經制於是南江之舒氏北江之彭氏梅山之蘇氏誠州之楊氏相繼納土創立城寨使之比內地爲王氏置沅誠二州元祐初傅堯俞等言置二州以來設官屯兵費巨萬計公私騷然荆湖兩路爲之空竭乃廢誠州爲渠陽軍而沅州至今爲郡時朝廷方務休息痛懲邀功生事者廣西張整融州溫嵩坐擅殺蠻人皆寘之罪詔諭湖南北及南西路曰國家疆理四海務在柔遠頃荆湖諸蠻近漢者無

所統一因其請吏量置城邑以撫治之邊臣邀功獻議創融州道路侵逼洞穴致生疑懼朝廷知其無用旋即廢罷邊吏失於撫遏遂爾扇搖其叛酋楊晟臺等並免追討諸路所開道路創置堡寨並廢自後五溪郡縣棄而不問崇寧以來開邊拓土之議復熾於是安化上三州及思廣洞蒙光明樂安洞程大法都丹團黃光明靖州西道楊再立辰州覃都管罵等各願納土輸貢賦又令廣西招納左右江四百五十餘洞宣和中議者以爲招致熟蕃接武請吏竭金帛縉絮以啗其欲捐高爵厚俸以侈其心開辟荒蕪草創

城邑。張皇事勢。僥倖賞息。入版圖者存虛名。充府庫者亡實利。不毛之地。既不可耕。狼子野心。頑又莫革。建築之後。西南夷獠交寇。而溪洞之蠻亦復跳梁。士卒歿於干戈。官吏沒於王事。生民肝腦塗地。往往有之。以此知納土之議。非徒亡益。而又害之所由生也。莫若俾帥臣監司。條具建築以來。財用出入之數。商較利病。可省者省。可併者併。減戍兵。省漕運。而夷狄可撫。邊鄙可無患矣。乃詔悉廢所置州郡。復祖宗之舊云。崇寧初。改誠州爲靖州。紹興初。監察御史明索言。溪洞歸明官。應湖南邊郡及二廣皆有之。自崇觀

以來。員數寢多。當時務要優卹。添差州郡。指使及酒稅之類。本不取其才任。及諸州措置隘寨。闕人把拓。又令管押兵夫。而所管押者皆鄉民也。其歸明官。生長溪峒。初無愛民之意。亦不習朝廷法令。貪婪無厭。鞭笞推辱。無所赴愬。議者欲令帥臣措置適宜。既不致歸明官失所。生怨亦無使遠民受害。詔廣南荆湖路帥臣措置。以聞。隆興初。右正言尹穡言。湖南州縣地界與溪峒蠻徭連接。以故省民與徭人交結往來。擅易田產。其間豪猾大姓。規免稅役。多以產寄徭人戶下。內虧國賦。外滋邊隙。省地與徭人相連。舊有界

至者。宓詔湖南帥臣遣吏親詣其處。明立封堠。自今不許省民將田產典賣與僑人。及私以產業寄隱。若已前賣入僑戶。難以遽行改追。止令置籍。如僑人願退還省地田產者。縣以官錢代還之。仍委曲榜諭。從之。嘉泰三年。湖南安撫趙亮勵言。湖南九郡皆與溪峒相接。其地闊遠。南接二廣。北連湖右。其人狼子野心。不能長保。其無事。或因饑饉。或因讎怨。或因劫掠。或至傷殺州縣。稍失隄防。則不安巢穴。越界生事。爲今日計。莫若先事選擇土豪爲僑人所信服者爲總首。以任彈壓之責。潛以馭之。凡細微爭鬪。止令總首

彈壓。開諭勸解。自無浸淫之患。蓋總首者。語言嗜好皆與之同。朝夕相接。婚姻相通。習知其利害。審察其情。僞而其力。足以惠利之。每遇饑歲。則糴粟以賑。其困乏。僑人莫不感悅。而聽從其言。若先借補名目。使得籍此以榮其身。而見重於鄉曲。彼必自愛惜。而盡忠於公家。如此。則僑民之衆。可坐以制之。然亦須五年。彈壓委有勞効。然後正補以所借之官。所捐者虛名。所得者實利。安邊之策。莫急於此。詔令本路諸司相度條具。諸司言。趙亮勵所言。謂以蠻僑治蠻僑。其策莫良。宓詔本路監司遵守從之。嘉定初。柳州黑風

峒僑人羅世傳出掠省地飛虎統制邊寧戰沒遂爲
江西湖南之擾明年知隆興府趙希懌知潭州史彌
堅同共招降之二年李元礪羅孟士又率衆犯江西
攻破龍泉縣知龍興府王居安擒獲之七年臣僚言
夫熟戶山僑峒丁有田不許擅鬻頃畝多寡山畬闕
狹各有界至任其耕種但以丁名繫籍每丁量納課
米三斗悉無其他科配熟戶山僑峒丁樂其有田之
可耕生界有警極力爲衛蓋欲保守田業也近年以
來生界僑徭其沒省地而州縣無以禁戢者皆繇不
能遵守良法有以致之夫溪峒之專條山僑峒丁田
地不許與省民交易蓋慮其窮困而無所顧籍不爲
我用今州郡謾不加恩山僑峒丁有田者悉聽其與
省民交易但利牙契所得而又省民得田輸稅在版
籍常賦之外可以資郡帑泛用而山僑峒丁之米掛
籍自如催督嚴峻多不聊生往往奔入生界溪峒受
顧以贍口腹或爲鄉導或爲徒伴引惹生界出沒省
地駸駸不已爲害甚大芻明敕湖廣監司行下諸郡
凡屬溪峒山僑峒丁田業不得擅與省民交易犯者
以違制論仍歸其田庶山僑峒丁有田可耕不致妄
生邊釁實綏靖遠民之良策從之

石湖范氏桂海虞衡志。僑本盤瓠之後。其地山溪
高深介於巴蜀。湖廣間綿亘數千里。椎髻跣足。衣
斑爛布褐。名爲僑。而實不供征役。各自以遠近爲
伍。以木葉覆屋。種禾黍粟豆山芋。雜以爲糧。截竹
筒而炊。暇則獵食山獸以續食。嶺蹬險阨。負戴者
悉着背上。繩繫於額。僂而趨。俗喜讎殺。猜忍輕歿。
又能忍饑行鬪。左腰長刀。右負大弩。手長鎗。上下
山險若飛。兒始能行。燒鐵石烙其跟蹠。使頑木不
仁。故能履棘茨根。枿而不傷。兒始生。秤之以鐵。如
其重。漬之毒水。兒長大。暇其鋼以製刀。終身用之。

試刀必斬牛。仰刃牛項。下以肩負刀。一負卽殊者
良刀也。弩名偏架。弩隨跳躍。中以一足蹶張。背手
傳矢。往往命中。鎗名掉鎗。長二丈餘。徒以護弩。不
恃以取勝。戰則一弩一鎗。相將而前。執鎗者前。却
不常以衛弩。執弩者口銜刀。而手射人。敵或冒刃
逼之。鎗無所施。弩人釋弩。取口中刀。奮擊以救度。
險整其行列。退去必有伏弩。土軍弓手輩與之角。
技藝爭地利。往往不能決勝也。歲首祭盤瓠。雜揉
魚肉酒飯於木槽。扣槽群號爲禮。十月朔日。各以
聚落祭都貝大王。男女各成列。連袂相携而舞。謂

之踏。僛意相得。則男咿嗚躍之。女群負所愛去。遂爲夫婦。不由父母。其無配者。俟來歲再會。女三年無所向。父母或欲殺之。以其爲人所棄云。樂有盧沙。銃鼓。胡盧笙。竹笛之屬。其合樂時。衆音競闕。擊竹。笛以爲節。團樂跳躍。叫咏以相之。歲暮群操樂入省地。州縣扣人門乞錢米酒炙。如饑然。僛之屬。桂林者。興安。靈川。臨桂。義寧。古縣諸邑。皆迫近山。僛最強者曰。羅曼。僛。麻園。僛。其餘如黃沙。甲石。嶺屯。褒江。贈脚。黃村。赤水。藍思。巾江。竦江。定花。冷石。白面。黃意大利。小平。灘頭。丹江。閃江。等僛。不可勝

數。山谷間稻田無幾。天少雨。稔種不收。無所得食。則四出犯省地。求斗升。以免歿。久乃玩狎。雖豐歲。猶剽掠。沿邊省民。與僛犬牙者。風聲氣習。及筋力。技藝。略相當。或與通婚姻。結怨仇。往往爲僛鄉道。而分鹵。獲僛。旣自識徑路。遂數數侵軼。邊民遂不能誰何。攻害田廬。剽穀粟牛畜。無歲無之。跟蹤篁竹。飄忽往來。州縣覺知。則已趨入巢穴。官軍不可入。但分屯路口。山多蹊。不可以徧防。加久成勞費。又僛人常以山貨。沙板。滑石之屬。竊與省民博鹽米。山田易旱乾。若一切閉截。無所得食。且冒歿突。

出爲毒滋烈。沿邊省民因與交關。或侵負之。與締仇怨。則又私出相讎。殺余旣得其所以然。乾道九年。夏遣吏經理之。悉罷官軍。專用邊民籍其可用者七千餘人。分爲五十團。立之長副階級。相制毋得與僞通。爲之噐械教習。使可捍小寇。不待報官。僞犯一團。諸團鳴鼓應之。次告諭近僞。亦視省民相團結。毋得犯法。則通其博易之路。不然絕之。彼見邊民已結形格勢禁。不可輕犯。幸得通博買有鹽米之利。皆驩然聽命。最後擇勇敢吏將桑江歸順五十二僞頭。首深入生徑羅曼等洞。尤狼戾素

不賓化者。亦以近僞利害。諭之悉從。乃爲置博易場二。一在義寧。一在融州之榮溪。天子誕節。首領得赴屬縣與犒宴。諸僞大悅。伍籍遂令保郭隱。然萬一遠僞弗率。必須先破近僞。近僞欲動。亦須先勝邊團。始能越至城郭。然亦難矣。旣數月。諸僞團長表臺等數十人。詣經畧司謁謝。悉紫袍巾裹橫挺犒以銀盃。綵繩鹽酒勞遣之。又各以誓狀來。其略云。某等旣充山職。今當鈐束男姪。男行持棒。女行把麻。任從出入。不得生事者。上有太陽。下有地宿。其翻背者。生兒成驢。生女成猪。舉家滅絕。不得

翻面說好，背面說惡，不得偷寒送煖，上下同路，下水同船，男兒帶刀，同一邊一點，一齊同殺盜賊，不用此款者，並依山例。山例者，誅殺也。蠻語鄙陋，不欲沒其實，畧志于此。余承乏師事二年，諸徭無一跡及省地，遂具以條約上聞，詔許遵守行之。

廩君種

廩君種不知何代。初巴氏、樊氏、擘氏、相氏、鄭氏、五姓皆出於武落鍾離山。至今夷陵郡巴山縣其上有赤黑二穴，巴氏之子生於赤穴，四姓之子皆生黑穴，未有君長，共立巴氏子務相，是為廩君。從夷水下至鹽陽。按今夷陵

邵巴山縣清江水一名夷水一名鹽水其源出清江縣西都亭山

廩君於是君乎夷

城四姓皆臣之。巴、梁、閭、諸巴皆是也。

即巴漢之地按范曄後漢史云

四姓之子未有君長，俱事鬼神，乃共擲劍於石穴，約能并者當以為君。務相乃獨中之，又令各乘土船，約能浮者當以為君。餘姓悉沉，惟務相獨浮，因共立之，是為廩君。乃乘土船從夷水下，鹽陽鹽水有神女，謂廩君曰：此地廣大，魚鹽所出，願留共居。廩君不許，鹽神暮輒來宿，語朝即化為蟲，與諸蟲群飛掩蔽日光。天地晦冥，積十餘日，廩君伺其便，因射殺之。天乃開，明廩君於是居於夷城。四姓皆臣之。廩君死，魂化為人，祠馬是皆，惟誕以此不取。戰國時，秦惠王并巴

中，以巴氏為蠻夷君長。其人歲出賦二千一十六錢，三歲一出義賦千八百錢。其人戶出傢布八丈二尺

雞羽三十錕。

統文曰：傢布，南軍蠻夷布也。傢音公亞。及毛詩四錕，既均儀禮錕矢一乘。鄭玄

日鏃猶侯也。侯物而射之。漢興南郡太守靳強奏請

一依秦時故事。至光武建武二十三年南郡奏濬山

蠻雷遷等始反叛。潘音屠武威將軍劉尚討破之。徙其

種人七千餘口。至江夏界中。其後沔中蠻是也。漢之江夏

郡今宛陵富水安陸齊安漢陽江夏廬春郡地名也和帝永元十三年巫蠻許

聖等。漢之巫縣今雲安郡巫山縣也以郡收稅不均反叛。戮荊州諸

郡兵。今江陵夷陵禮陽武陵長沙衡陽等郡地也討破之。復悉徙置江夏

靈帝光和三年江夏蠻復反。寇患累年。廬江太守陸

康討破之。漢廬江即今郡地漢末張魯居漢中。以鬼道教。百

姓實人敬信。巫覡多往奉之。值天下大亂。自巴西之

宕渠遷於漢中。楊車坂抄掠行旅。百姓患之。號為車

巴。魏武克漢中。李特之祖將五百餘家歸之。拜為將

軍。遷于略陽北土。號之為巴氏。特父慕為東羌獵將。

特少仕州縣。見異當時。雄武沉毅。有大度。元康中。氏

齊萬年反。關中擾亂。頻歲大饑。百姓流移。就食相與

入漢川者數萬。特隨流人入蜀。聚巴西。勇壯為盜寇。

遂據梁益。傳其弟流子雄。僭即帝位。傳班期壽。勢六

世而亡。

板楯蠻

板楯蠻秦昭襄王時有一白虎於蜀巴漢之境。傷害

千餘人昭王乃募有能殺虎者賞邑萬家時有巴郡

閬中夷今閬中郡縣廖仲等射殺白虎昭王以其夷人不

欲加封乃刻石盟要復夷人頃田不租十妻不筭一

免其一頃田之租稅雖有十妻不輸口賦之錢傷人者論殺人得以賧錢贖

歿何承天纂文曰賧蠻夷贖罪貨也賧徒濫反盟曰秦犯夷輸黃龍二雙

夷犯秦輸清酒一鐘夷人安之至漢高帝為漢王發

夷人還三秦今關中秦州也秦地既定乃遣還巴中復其渠

帥羅朴督鄂度夕龔七姓不輸租賦餘戶乃歲入口

錢四十巴人呼賊為賓謂之賓人焉代號為板楯蠻

夷閬中有渝水其人多居水左右天性勁勇初為漢

前鋒數陷陣俗喜歌舞高帝命樂人習之所謂巴渝

舞也遂代代服從至後漢以後郡守常率以征伐靈

帝光和三年巴郡板楯蠻叛今通川瀘山南平涪陵南川清化雲安始寧巴

川南賓南瀘中南充安岳盛山等郡地則巴川之地是也寇掠三蜀及漢中諸

郡即漢川諸郡今漢中安康洋川局陵郡地皆是也靈帝乃問益州計吏考

以征伐方畧漢中計程苞對曰板楯七姓以射殺白

虎立功先代復為羗人其人勇猛善戰昔安帝永初

中羗人漢川郡縣破壞得板楯救之羗歿敗殆盡故

號為神兵至桓帝建和二年羗復大入實賴板楯連

摧破之前車騎將軍馮緄南征武陵緄占本反亦倚板楯

以成其功。近益州郡縣亂。

今漢川蜀川郡縣地

太守李顯之亦

以板楯討而平之。忠功如此。本無惡心。但長吏鄉亭

更賦至重。僕役箠楚過於奴虜。闕庭悠遠。不能自聞。

含怨呼天。叩心窮谷。故邑落相聚。以致叛戾。非有謀

主僭號。以圖不軌。今但遣明能牧守。自然安集。不煩

征伐也。帝從其言。遣太守曹讓宣詔赦之。即皆降服。

及漢末天下亂。自巴西之宕渠。

今符陽郡

遷於漢中。楊車

坂抄掠行旅。號為楊車巴。魏武克漢中。李特祖將五

百家歸之。魏武又遷於略陽北。復號之為巴互。

略陽今天

水郡龍城縣

蜀後主劉禪建興十一年。涪陵屬國人夷反。

今涪陵郡地

車騎將軍鄧芝往討。皆破平之。其沔中蠻至

晉時。劉石亂後。漸得北遷。陸渾以南。滿於山谷。宋時

荊州置南蠻校尉。

今江陵郡巴東夷陵雲安等郡地

雍州置寧蠻校

尉以領之。

今襄陽南陽郡地

如蠻人順附者。一戶輸穀數斛。

其餘無事。宋人賦役嚴苦。貧者不復堪命。多逃亡入

蠻蠻。無徭役。強者又不供官稅。結黨連郡。動有數百

千人。州郡力弱。則起為盜賊。種類稍多。戶口不可知

也。文帝元嘉中。天門。

金澧陽郡地

澧中。今宋矯之。徭賦過

重。蠻不堪命。蠻田向求等為寇。破澧中。虜掠百姓。及

劉道產善撫諸蠻。前後不附官者。莫不順服。皆引出

平土多緣沔為居道產亡後蠻又反叛孝武帝出為

雍州時巴東今巴東建平今巴東宓都今夷陵天門四郡蠻

為寇諸郡人戶流散百不存一孝武即位後大明中

西陽夷今夷陽郡皆反叛沈慶之率江雍荆河州諸軍討

破之江今尋陽郡陽章郡臨川廬陵等郡明帝順帝

時尤甚雖遣攻討終不能禁荆州為之虛弊齊高帝

時武陵西溪蠻天思飄武帝永明初黔陽蠻田豆渠

武陵黔陽皆今五溪中也湘川蠻陳雙李杏並寇掠州郡討平之

湘川今長沙衡陽也其後雍司州蠻今司縣義陽與後魏通助荒

人桓天生侵害齊境六年除田駟路為試守北遂安

左郡太守田驢王為試守宓人左郡太守田何代為

試守新平左郡太守皆郢州蠻帥並漢沔間蠻也其左郡亦茲地焉郢

州今江夏漢陽郡地後魏孝文太和中襄陽蠻酋雷婆思率戶千餘內徙

求居太和川詔給廩食後開南陽全有河北之地今武

當南陽溪東等郡蠻人安堵不為寇賊宣武帝景明初大陽

蠻酋田育丘等共二萬八千戶叛齊附魏詔置四郡

十八縣魯陽蠻今臨汝郡魯山縣也魯北鷲等聚眾萬餘攻逼

穎陽詔遣左衛將軍李崇討平之斬級數千徙萬餘

家於河北諸州及六鎮尋叛南走六鎮今單于府馬邑郡界也所

在追討比及於河殺之皆盡梁武帝遣兵泐沔破掠

諸蠻又遣蔡令孫等三將步騎五千侵南荆之西泐

漢上下今襄陽郡之上破略諸蠻後魏遣蠻帥桓叔

率蠻夏二萬餘人擊之斬令孫等俘虜二千餘人其

後因六鎮秦今天水隴今沔陽所在反叛荆今南陽

地郢今汝南蠻大擾動斷三鵝路今南陽郡向城至

於襄城今臨汝汝水處處鈔劫百姓多被其害自後

魏與宋齊梁之時淮汝江漢間諸蠻渠帥互有所屬

皆授封爵焉及魏末為暴滋甚有冉氏向氏田氏者

賊落尤甚大者萬家小者千戶更相崇樹僭稱王侯

屯據三峽斷遏水路荆蜀行人至有假道者西魏文

帝大統十一年沔漢諸蠻擾動大將軍楊忠擊破之

其唐州蠻田魯嘉示叛唐州今淮安郡自號荆河州伯遣王

雄討之後周明帝時蠻帥冉令賢向五子王等反攻

陷白帝今雲安郡武帝天和初詔開府陸騰討斬之蠻眾

大潰斬首萬餘級騰乃積其骸骨於水邏城側為京

觀後蠻蠻見者輒大號哭自此狼戾之心輟矣信州

舊理白帝勝更於蜀先主故城南八陣之北臨江岸

築城移置信州又以巫縣信陵秭歸今雲安巴東二郡界並是

峽中要險於是築城置坊以為襟帶焉按後漢史其在黔中五溪

長沙間則爲盤瓠之後其在峽中巴梁間則爲廩君
之後種落繁盛侵擾州郡或移徙交雜亦不可得詳
焉別

通典言按後漢史其在黔中五溪長沙間者則
爲盤瓠之種在其峽中巴梁間者則爲廩君之
後其後種落繁盛侵擾州郡或移徙交錯不可
得而詳別今按通典所叙板楯蠻魏晉以後之
事南史謂之荆楊蠻北史謂之蠻獠而俱以爲
其源出自盤瓠不言板楯然六朝時蠻漸徙而
之北則亦無由究其源流宗派矣姑兩存之

南平蠻

南平蠻東距智州南屬渝州西接南州北治州戶四
千餘多瘴癘山有毒草沙虱蝮蛇人樓居梯而上名
爲干欄婦人橫布二幅穿中貫其首號曰通穆美髮
髻垂於後竹筒三寸斜穿其耳貴者飾以珠璫俗女
多男少婦人任役婚法女先以貨求男貧者無以嫁
則賣爲婢男子左衽露髮徒跣其王姓朱氏號劔荔
王唐貞觀三年遣使內款以其地隸渝州又有甯氏
世爲南平渠帥陳末以其帥猛力爲寧越太守陳亡
自以爲與陳叔寶同日而生當代爲天子乃不入朝
隋兵阻瘴不能進猛力歿子真長襲刺史及討林邑

長真出兵攻其後。又率部落從征遼東。煬帝授官遣還。又以其族人甯宣爲合浦太守。隋亂皆以其地附蕭銑。武德初以寧月鬱林之地降。自是交愛諸州始通。長真歿子據襲刺史。其地西南接烏蠻昆明哥蠻大小播州部族數十居之。宋治平中熟夷李光吉梁秀等三族據其地。各有衆數千家。間以威勢誘脅漢戶。有不從者徒之。没人土田。往往投充客戶。謂之納身稅賦。皆里胥代償。藏匿亡命。數以其徒僞爲生獠。劫邊民官軍追捕輒逃去。習以爲常。密賂黠民覘守令動靜。稍築城堡繕器甲。遠近患之。熙寧三年轉運

使孫固判官張詵使兵馬使馮儀葉簡杜安行圖之。以禍福開諭。因進兵復兵化寨。平蕩三族。以其地賦民。凡得租三萬五百石。絲綿一萬六千兩。以賓化寨爲隆化縣。隸涪州。建榮懿扶歡兩寨。其外銅佛堪者隸渝州南州縣地。皆膏腴。自光吉等平。他部族據有之。朝廷因補其土人王才進充巡檢。委之控扼。才進歿部族無所統。數出盜邊。朝廷命熊本討平之。建堪爲南平軍。以渝州南州涪州隆化隸焉。元豐四年有楊光震者助官軍破乞弟。殺其黨阿訛。大觀二年木攀首領趙秦播州夷族楊光榮各以地內屬。詔建溱

播二州後皆廢

東謝

東謝渠帥姓謝氏南蠻別種在黔中之東地方千里其俗無文字刻木為約巢居刀劍不離其身冠熊皮被猛獸革酋長名无深代襲其一族不育女自云高姓不可下嫁唐貞觀三年无深入朝冠烏熊皮冠若今之旄頭以金絡額身披毛帔革皮行滕而著履貞觀中開其地為應州隸黔州都督府

今黔中郡所管羈縻州

西趙

西趙蠻在東謝之南並南蠻別種其界東至夷子西至其南南至西洱河山洞深阻莫知里數南北十八日行東西二十三日行其風俗與東謝同趙氏代為酋長有萬餘戶自古不臣中國唐貞觀三年遣使入朝二十一年以其置朝州以首領趙唐為刺史

牂牁

牂牁渠帥姓謝氏舊臣中國代為本土牧守隋末大亂遂絕唐貞觀中其酋遣使脩職貢勝兵戰士數萬於是列其地為牂牁

唐黔中郡羈縻州

昆明蠻一曰昆彌以

西洱河為境即葉榆河也距京師九千里土歛濕多杭稻人辮首左衽與突厥同逐水草畜牧夏處高山

冬入深谷尚戰歿惡病亡勝兵數萬武德中嵩州治
中吉偉使南寧因至其國諭使朝貢求內屬發兵戍
守自是歲與牂牁使皆來龍朔三年矩州刺史謝法
成招慰北樓等七千戶內附總章三年置祿火湯望
州咸亨三年昆明十四姓率戶二萬內附拆其地爲
般州總州敦州以安輯之般州居戎州西北總州居
西南敦州居南遠不過五百餘里近三百里其後又
置盤麻等四十一州皆以首領爲刺史昆明九百里
卽牂牁國也兵數出侵地數千里元和八年上表請
盡歸牂牁故地開成元年鬼主阿瓊內屬會昌中封
其別帥爲羅殿王世襲爵其後又封別帥爲滇王皆
牂牁蠻也東距辰州二千四百里其南千五百里卽
交州也無城郭土熱多霖雨稻粟再熟無徭役戰乃
屯聚刻木爲契盜者倍三而償殺人者牛馬三十俗
與東謝同首領亦姓謝氏

兗州

兗州牂牁別部與牂牁隣境勝兵二萬唐黔中郡唐
羅縻州
貞觀中朝貢列其地爲兗州開元中牂牁首領元齊
歿孫嘉藝襲官封其後乃以趙氏爲酋長天寶中其
裔趙珍裔有戰功閣羅鳳叛宰相楊國忠授珍裔黔

文獻通考 卷之三百五十八
中都督屢敗南詔護五溪十餘年天下方亂其部獨
寧終工部尚書貞元元和以訖開成朝貢不絕

石湖范氏桂海虞衡志曰南方曰蠻亦曰西南蕃
今郡縣之外羈縻州洞雖故皆蠻地猶近省民供
稅役故不以蠻命之過羈縻則謂之化外真蠻矣
區落連亘湖廣接于西戎種類殊詭不可勝計此
等前世蓋嘗內附建黔南帥府於融州以統之今
融帥已罷一切化外也融在徭洞之南蕃蠻之東
蕃蠻時出州縣城郭以蜜臘草香等貿易每歲聖
節亦有出赴燕設者其稱大小張大小王龍石騰

謝等謂之西南蕃地與牂牁接人椎髻跣足或著
木履衣青花斑布以射獵讎殺爲事持木牌標槍
木弩藥箭相鈔掠而峩州以西又有羅坐夜回計
利流求萬壽多嶺阿悞等蠻謂之蠻酋酋自謂太
保大抵與山獠相似但有首領耳其人椎髻以白
紙繫之云尚與諸葛武侯制服也西南蕃俗大抵
介別男夫甚剛妻女甚潔夫婦異居妻所居深藏
不見人夫過其妻掛劍於門而後入或期於深山
不褻穢其居謂否則鬼神禍之此諸蠻皆未嘗爲
害故其事亦不能詳知又有漢蠻者十年前大理

馬至橫山。此蠻亦附。以來衣服與中國畧同。能通華言。自云本諸葛武侯戍兵。聞其種人絕少。按三國志。初無留戍事。唐史有西屠夷。乃馬伏波兵留不去者。初止十戶。隋末至三百戶。皆姓馬。號馬留。人與林邑分唐境。疑漢蠻卽此類。其南連邕州。南江之外。稍有名稱者。羅殿自杞以國名。羅孔特磨。白衣九道等以道名。此皆成聚落地。皆近南詔。羅在融。芴之西。邕之西北。唐會昌中。封其帥爲羅殿王。世襲爵。歲以馬至橫山互市。亦有移至邕。稱守羅國王。羅呂押馬者。稱西南謝蕃。知武州節度使。

都大照會羅殿國文字。按唐史。東謝蠻居黔州西。謝氏世酋長。部落尊畏之。然則謝蕃蓋羅殿之巨室。又知其地近狎狏。自杞本小蠻。尤兇狡嗜利。其賣馬於橫山。少拂意卽拔刃向人。亦嘗有所殺傷。邕管亦殺數蠻。以相當事。乃已。今其國王曰阿巴。生三歲而立。其臣阿謝柄國。善撫其衆。諸蠻比多附之。至有精騎萬計。阿巴年十七。阿謝乃歸國。政阿巴猶舉國以聽之。諸蠻之至邕管賣馬者。風聲氣習。大抵略同。其人多深目長身黑而白牙。以錦纏椎髻。短褐徒跣。戴笠荷甕。耳刷牙。金環約臂。背

長刀。腰弩箭箠。腋下佩皮篋。鬲至腰駢。束麻索以
便乘馬。取馬於群。但持長繩走前。擲馬首絡之。一
投必中。刀長三尺。甚利。出自大理者尤奇。性好潔。
數人共飯。一拌中植一匕。置杯水其傍。少長共匕
而食。探匕於水抄飯。一哺許搏之。拌令圓淨。始加
之匕上。躍以入口。蓋不欲汚匕。妨他人。每飯極少。
飲酒亦止一杯。數嚥始能盡。蓋腰腹束於繩故也。
食鹽礬明椒。不食彘肉食。已必刷齒。故常皓然。甚
惡穢氣。野次有如必坎而覆之。邕人每以此制其
忿戾。投以穢器。輒躍馬驚走。

獠

獠。蓋蠻之別種。徃代初出自梁益之間。自漢中達于
邛笮川谷之間。所在皆有。北自漢中。西南及越雋。俗
以來皆有之。笮才各反。

不辯姓氏。又無名字。所生男女長幼。次第呼之。其丈
夫稱阿暮阿改。婦人阿夷阿等之類。皆其語之次第。
稱謂也。依樹積木以居其上。名曰干欄。干欄大小。隨
其家之口數。徃徃推一酋帥爲主。亦不能遠相統攝。
父歿則子繼。若中國之黨族也。獠王各有鼓角一雙。
使其子弟自吹擊之。好殺害多仇怨。不敢遠行。性同
禽獸。至於忿怒。父子不相避。惟手有兵刃者先殺之。

若殺其父。走避於外。求得十狗以謝其母。然後敢歸。母得狗謝。不復嫌恨。若報怨相攻擊。必殺而食之。遞相劫掠。不避親戚。賣如猪狗而已。亡失兒女。一哭便止。被賣者號哭不服。逃竄避之。乃將買人捕逐。若亡叛獲。便縛之。但經被縛者。卽服爲賤隸。不敢更稱良矣。惟執楯持矛。不識弓矢。用竹爲簧。群聚鼓之。以爲音節。爲紉布色。至鮮淨。大狗一頭。買一生口。性尤畏鬼。所殺之人。美鬚髯者。必剝其面皮。籠之於竹。及燥號之曰鬼。鼓舞祀之。以求福利。俗尚淫祀。至有賣其昆季妻孥。盡者。乃自賣以供祭焉。鑄銅爲噐。大口寬

服名曰銅爨。既薄且輕。易於熟食。蜀本無獠。晉李勢

時諸獠始出。巴西渠川廣漢陽安資中。犍爲梓潼。今蜀

川之內布在山谷。十餘萬落。攻破郡縣。爲益州大患。自

桓温破蜀之後。力不能制。又蜀人東流。山險之地。多

空獠。遂挾山傍谷。與人叅居。叅居者。頗輸租賦。在深


山者。乃爲匪人。至梁武帝。梁益二州。今漢川蜀川郡縣也歲歲

伐獠。以自裨潤。公私頗籍爲利。後魏宣武帝正始初。

將夏侯道遷。舉漢中附。魏宣武帝遣尚書邢巒爲梁

益二州刺史。以鎮之。其後以梁益二州控攝嶮遠。乃

立巴州。在今清化郡以統諸獠。後以巴酋帥嚴始欣爲刺



史又立隆城鎮。隆鎮所縮獠二十萬戶。所謂北獠也。歲輸租布。魏明帝孝昌初。據城叛。入梁益二州。並遣將討之。攻陷巴州。執始欣。斬之。後梁州爲梁氏所陷。今漢中郡自此又屬梁矣。後周武帝平梁。違溪武帝益。尉遲平之。令所在撫慰。其與華人雜居者。亦頗從賦役。然天性暴亂。旋致擾動。每歲命隨近州鎮出兵討之。獲其生口以充賤隸。謂之壓獠。焉復有商旅往來者。亦資以爲貨。公卿逮千人。庶之家有獠口者多矣。其種類滋蔓。保據巖壑。依林走險。若履平地。性又無知。殆同禽獸。諸夷之中。最難以道義招懷也。劍南諸獠。唐武

德貞觀間。數寇州縣者不一。巴州山獠王爲馨。叛梁州。都督龐玉梟其首。又破餘黨。符陽白石二縣獠。其後眉州獠反。益州行臺郭行方大破之。未幾。又破洪雅二州獠。俘男女五千口。是歲益州獠亦反。都督竇軌請擊之。太宗報曰。獠依山險。當拊以恩信。脅人以兵威。豈爲人父母意邪。貞觀七年。東西玉洞獠反。以右屯衛大將軍張士貴爲龔州追行軍總管。討平之。十二年。巫州獠叛。夔州都督齊善行擊破之。俘男女三千餘口。鈞州獠叛。桂州都督張寶德討平之。明州山獠又叛。交州都督李道彥擊走之。是歲巴洋集壁

四州山獠叛攻巴州遣右武侯將軍上官懷仁破之
于壁州虜男女萬餘明年遂平十四年羅竇諸獠叛
以廣州都督党仁弘爲竇州道行軍總管擊之虜男
女七千餘人太宗再伐高麗爲船劔南諸獠皆半役
雅邛眉三州獠不堪其擾相率叛詔發隴右峽兵二
萬以茂州都督張士貴爲雅州道行總軍管與右衛
將軍梁建方平之高宗初琰州獠叛梓州都督謝萬
歲兗州刺史謝法興黔州都督李孟嘗討之萬歲法
興入洞招慰遇害顯慶二年羅竇生獠酋領多胡桑
率衆內附上元末納州獠叛寇故茂都掌二縣殺吏

民焚廨舍詔黔州都督發兵擊之大曆二年桂州山
獠叛陷州刺史李良遁去貞元中加州綏山縣婆籠
川生獠酋領甫枳兄弟誘生蠻爲亂剽居人西川節
度使韋臯斬獠招其酋領勇于等出降或請增柵東
陵界以守軍不從曰無戎而城害所生也獠亦自是
不擾境戎瀘間有葛獠居依山谷林菁踰數百里俗
喜叛州縣撫視不至必合黨數千人持排而戰奉酋
帥爲王號曰婆能出入前後植旗大中末昌瀘二州
刺史貪沓以弱繒及羊彊獠市米麥一斛得直不及
半群獠訴曰當爲賊取歟耳刺史召二吏榜之曰皆

爾屬爲之非吾過獠相視大笑遂叛立酋長始艾爲
王踰梓潼所過焚剽刺史劉成師誘降其黨斬首領
七十餘人餘衆遁至東川節度使柳仲郢諭降之始
艾稽首謝罪仲郢貫遣之

石湖范氏桂海虞衡志曰獠依山林而居無酋長
板籍蠻之荒忽無常者也以射生食動爲活蟲豸
能蠕動者皆取食無年甲姓名一村中推有事力
者曰郎火餘但稱火歲首以土杯十二貯水隨辰
位布列郎火禱焉乃集衆往觀若寅有水而卯涸
則知正月雨二月旱自以不差諸蕃歲賣馬於官

道其境必要取貨及鹽牛否則梗馬路官亦以鹽
綵和謝之其稍稍漸有名稱曰上下者則入蠻類
舊傳獠有飛頭鑿齒鼻飲白衫花面赤袒之屬二
十一種今右江西南一帶甚多殆百餘種唐房千
里異物志言獠婦生子卽出夫憊卧如乳婦不謹
則病其妻乃無苦唐志言飛頭獠者頭欲飛周項
有痕如縷妻子共守之乃夜如病頭忽亡比旦還
又有烏武獠地多瘴毒中者不能飲藥故自鑿齒

又許昌先齋以多事書中許不詳文藥以之器
許康收藥妻于共守之或以收藥與多子其且
與康其妻以無苦專志言深與齋齊與齋與
里異許志言齋散坐于唱出夫與收藥不
十一蘇今不云西南一帶其冬故百繪書其千
舊齋齋有無題鑿齒泉始曰許許向赤跡之風二
絲時補之其節節補亦各縣曰土不許限人
其其其以要頭賞及鹽半否限許與都官亦以

通考卷之三百二十九

鄱陽 馬 端臨 貴與 著
蕪陽 馮 天馭 應房 校

四裔考 夜郎國

夜郎國 今夜郎播川捷 漢時西南夷君長以十數夜

郎最大在蜀郡徼外東接交趾西隣滇國 今雲南 其

國隣牂牁江江廣數里出番禺城下 戰國時楚頃襄

沅水伐夜郎軍至且蘭椽舡於岸而步戰既滅夜郎

因留王滇池以且蘭有椽舡牂牁處乃改其名爲牂

牂牁牂牁舡也番禺即 其地多雨潦俗好巫禁忌

寡畜產又無桑蚕故最貧鈎町有梳榔木可以爲麩

百姓資之鈎町漢以為縣屬犍犊郡武帝時唐家上

書曰竊聞夜郎精兵可得十餘萬浮船犍犊江出不

意此制南越奇兵也乃拜蒙為郎中遂見夜郎侯蒙

厚賜諭以威德夜郎貪漢繒帛以為漢道險終不能

有也乃且蒙約還報乃以為犍為郡今犍為陽安仁

陽皆發巴巴郡今通川等十蜀卒蜀郡今蜀郡漢陽

其地郡亦曰理道自焚道指犍犊江蜀人司馬相如亦言

西夷邛笮可置郡今越雋帝使相如往諭皆如南夷

為置一郡尉十餘縣屬蜀郡當是時巴蜀四郡漢中

巴郡今漢川四通西南夷道戍轉相饜古餉數歲道

不道士罷饑離濕罷音疫歿者甚眾夷又數反發興

擊耗費無功帝患之使公孫弘往視問焉還言其不

便時方築朔方據河逐胡弘因數言西南夷為害通

南夷大可且罷專力事匈奴上罷西夷獨置南夷兩

縣一都尉及元狩元年張騫言使大夏時見蜀布邛

竹杖問所從來曰從東南身毒國即天竺也可數千里得

蜀賈人市或聞邛西可二千里有身毒國於是乃令

王然于閒出西南夷往身毒國至滇道皆為昆明所

閉昆明在今越莫能通身毒及南越反上使發南夷

兵且蘭君小邑乃與其眾乃漢發巴蜀校尉擊破之

遂平南夷為牂牁郡今涪川夜郎義泉郡地夜郎侯始倚南越

越滅恐懼遂入朝封為夜郎王昭帝始元中牂牁談

指同並等二十四邑凡三萬餘人皆反並音伴談指同並後皆為

縣屬漢牂牁郡遣水衡都尉發蜀郡犍為兵擊牂牁大破之

後姑繒葉榆人復反鈞町侯亡波率其人擊之有功

漢立亡波為鈞町王至成帝河平中夜郎王興與鈞

町王禹漏臥侯俞漏臥侯邑名後為縣屬漢牂牁郡更舉兵相攻牂牁

太守請發兵誅興等漢以道遠不可擊遣太中大夫

張匡持節和鮮並不從杜欽說王鳳曰張匡和鮮蠻

夷王侯不從不憚國威其効可見恐議者懼之

更守和解選更怯懦不前之意選息充反更人充反太守察動靜有變

廼以聞如此則復曠一時曠空也一時三月言空廢一時不早發兵王侯

得收獵其衆申固其謀黨助衆多各不勝忿必相殄

滅自知罪成狂犯守尉言起狂勃之心而殺守尉遠藏溫暑毒草

之地雖有孫吳之將責甫之士若入水火往必焦沒

智勇俱亡所設施屯田備守之費不可勝量豈因其

罪惡未成未疑國家加誅陰勅旁郡守尉練士馬大

司農先調穀積要害處調發也要害者在選任職太

守往以秋涼時入誅其王侯充不軌者即以為不毛

之地亡用之人聖王不以勞中國即猶若也不毛言不生草木互

罷郡放棄其人絕其王侯勿復通。如以先帝所立累代之功不可壞。壞亦互因其萌芽早斷絕之。反已成形。然後師興。則萬姓被害矣。鳳於是薦陳立為牂牁太守。至牂牁。廼從吏數十人出行縣。召興。興將數千人往。立數責。因斷興頭。出曉其眾。皆釋兵降。興子邪務收餘兵。迫脅旁二十邑反。立又擊平之。公孫述時大姓龍傳尹董氏與郡功曹謝暹保境。為漢乃遣使從番禺江奉貢。番禺江今南海郡光武嘉之。並加褒賞。桓帝時郡人尹政乃從汝南許慎應奉受經書。學成還鄉里教授。自是南域始有學焉。政官至荊州刺史。後漢史云

有女子浣於脰水有三節大竹流入足間剖之得一男兒養之及長自立為夜郎侯以竹為姓武帝元鼎中置牂牁郡夜郎侯迎降天子賜其王印綬後遂殺之夷獠咸以竹王非血氣所生甚眾之求為立後牂牁太守吳霸以聞天子乃封其三子為侯。侯配食其父按范曄所選乃引華陽國志又按漢書其夜郎侯降封王不言殺成帝時猶謂之夜郎王曄馬得云竹王被殺後封其子為侯與班史全乖角互華陽國志為恠詭也。大抵范曄著述多稱詭異若無他書何以辯正則因習纂錄不復刊革云

唐置費瑱莊琰播郎特夷等州。其地北距充州百五十里。東距辰州二千四百里。南距交州一千五百里。西距昆明九百里。無城郭散居村落。土多霖雨稻粟皆再熟。無徭役將征戰乃屯聚。刻木為契。其法劫盜者償其主三倍。殺人者出牛馬三十頭。與其家以贖。

疾。疾病無醫藥。但擊銅砂羅以祀神。風俗與東謝蠻同。隋大業末。首領謝龍羽據其地。勝兵數萬人。唐末王建據西川。由是不通中國。後唐天成二年。牂牁清州刺史宋朝化等。一百五十人來朝。孟知祥據蜀。復不通朝貢。宋乾德三年。平蜀。五年。知西南蕃南寧州蕃落使龍亮瑄等來貢。詔授以官。開寶二年。武才等一百四十人來貢。八年。三十九部順化王子若廢等。二百七十人來貢馬百六十匹。丹砂千兩。太平興國五年。蕃王龍瓊瑯遣其子。并諸州蠻七百四十七人。以方物名馬來貢。自是至景德朝貢不絕。太宗召見其使。詢以地里風俗。譯對曰。地去宓州陸行四十五日。土宜五穀。多種秔稻。以木弩射麋鹿充食。每三百戶爲一州。州十長。救人者不償。歿。出家以贖國王。居有城郭。無壁壘。官府惟短垣。光進說與前書所記小異。故并叙之。上因令作本國歌舞。一人吹瓢笙如蚊蚋聲。良久數十輩連袂宛轉而舞。以足頓地爲節。詢其曲則名曰水曲。其使十數輩。從者千餘人。皆蓬髮。面目黧黑。狀如猿猴。使者衣虎皮氈裘。以虎尾挿首爲飾。太中祥符以後。頗爲寇抄。轉運使寇瑊調兵擊之。夷人寧息。天聖以來。訖于元符。貢奉其首領。龍

氏於諸姓爲最大。世世襲職貢奉。尤類使者。但衣布袍。至假伶人之衣入見。蓋實貧陋。所冀者恩賞而已。賜以袍帶等物。至刺其數於臂。故事蠻夷入貢。雖交趾于闐之屬。皆御前殿見之。獨此諸蕃見於後殿。蓋卑之也。諸蕃部族數十。獨龍方張石羅五姓最著。號五姓蠻。其後又有程氏韋氏皆比附五姓。故號西南七番云。

滇

滇者。漢時在夜郎之西。靡莫之屬。滇最大。靡莫西南徼外蠻也。滇音。始楚頃襄王使將軍莊躋。躋卽莊王之苗裔居略皮。將兵循

江上畧巴黔以西。

巴國今清化始寧咸安符陽巴川南賓南浦是其地也黔則黔中

躋至滇池方三百里。

在今雲南郡其澤在西北水源深廣未更淺狹如倒流故曰滇

池旁平地肥饒數千里。池旁之地以兵威定屬楚。欲歸報

會秦擊楚。巴黔中郡道塞不通。因而以其滇王滇變

服從其俗以長之。爲其長帥也按史記及漢書皆云楚威王使莊躋略巴黔以西至滇

池欲歸會秦奪楚巴黔中郡因以其衆王滇後十餘歲秦滅之又按楚自威王後懷王立三十年至頃襄

王之二十二年秦昭襄王遣兵攻楚取巫黔中郡也後漢史則云頃襄王時莊躋王滇豪卽躋也若莊躋

自威王時將兵畧地屬秦陷巫黔中郡道塞不遠凡經五十二年豈得如此淹久或恐史記謬誤莊生因

習便書范曄所記詳考爲正又按莊躋王滇後十五年頃襄王卒考烈王立二十五年幽王立十年王貞

芻立五年而楚滅十五年而秦亡七十一年何故至武云躋之王滇後十餘歲而秦亡斯又未知詳也

帝時滇王有衆數萬人。元封二年，發巴蜀兵臨滇。滇王舉國降，請置吏入朝。於是以為益州郡。今雲南郡賜滇王王印，長復其人。武帝割牂牁越雋各數縣配之。西南夷君長以百數，獨夜郎滇受王印。滇小邑也，最寵焉。後王莽篡位，改漢制，貶鈞町王為侯。蠻夷盡反，莽遣平蠻將軍馮茂、發巴蜀犍為吏士賦取足於人，以擊益州。出入三年，疾疫歿者什七。巴蜀騷動，更遣寧始將軍廉丹。大發天水隴西騎士廣漢蜀犍為吏人十萬，轉輸者合二十萬人，擊之，不能尅，而還。公孫述據益土，文齊為太守，亦固守拒述。後漢初，遣使朝謁。

建武十八年，夷渠帥棟蠶與姑復葉榆栢棟連然滇

池建伶昆明諸種反叛，殺長吏。漢姑復縣屬越雋郡，餘六縣並屬益州郡。

也。並在今越雋雲南郡地。遣武威將軍劉尚等發廣漢犍為蜀人

及朱提夷擊之。尚軍遂渡瀘水入益州郡界。瀘水一名若水。

族牛徼外，經朱提至犍道入江。在今越雋郡南，特有瘴氣。群夷聞大兵至，皆棄壘

奔走。尚獲其羸弱穀畜，斬棟蠶帥凡首虜萬餘人。諸

夷悉平。至蜀後主建興二年，諸葛孔明率衆南征，四

郡平之。改益州郡為建寧，分建寧永昌今雲南郡也為雲

南郡。又分建寧牂牁為興古郡。亮至南中所戰皆捷，孟獲者為夷漢所服。

募生致之，既得使觀於營陣之間，問曰：此軍何如？獲曰：不知虛實，故敗。定易勝耳。亮縱使更戰七縱七擒。

文獻通考 卷之三十三
而亮猶遣獲止去曰公天威也南人不復反矣遂
至海池南中平皆卽其渠率而用之或以諫亮亮曰
若留外人卽留兵兵留卽無食一不易也夷新傷破
父兄歿喪留外人而無兵者必成禍患二不易也又
吏累有廢殺之罪自嫌豐重若留外人終不相信三
不易也今欲使汝不留兵不運糧而綱紀遂定夷漢
相安
故爾

印都

印都漢時自滇以北君長十數印都最大

今越雋郡本其地

自夜郎滇印都人皆椎髻左衽邑聚而居知耕田其

外西曰桐師以東北至葉榆

葉榆澤名

名爲雋昆明

雋卽今越

雋郡昆明在西南諸爨所居

地方數千里無君長辯髮隨畜遷徙

無常武帝開以爲印都縣屬越雋郡無幾而地陷爲

汗澤因名爲印池南人以爲印河其人後復反叛元

鼎六年漢兵自越雋水伐平之

雋水源出今越雋郡西南雋山下

其

土地平原有稻田俗多遊蕩而喜謳歌畧與犍牂相

類豪帥放縱難得制御王莽時郡守牧根

牧根太守姓各調

印人長貴以爲軍侯更始三年長貴攻殺牧根自立

爲印穀王至光武因就封之授越雋太守印綬後劉

尚擊益州夷路由越雋長貴聞之卽聚兵欲襲尚尚

掩長貴誅之徙其家屬於成都安帝時永昌益州蜀

郡夷

並今雲南郡

皆叛衆十餘萬破壞二十餘縣益州刺

史張喬乃遣從事楊竦將兵至葉榆破之渠帥三十

六種皆來降附。竦因奏長吏姦猾，侵犯蠻夷者九十人，皆滅。歿論。

祚都

祚都者，漢時自越雋以東北，君長以十數徙。徙漢為縣，屬蜀。

郡祚都最大，武帝開以為祚都縣。其人被髮左衽，言語多好譬類，居處略與汶山夷同。汶山夷在蜀郡西北，即冉駝也。今通

化郡。元鼎六年，以為冗黎郡。今洪源郡。至天漢四年，并蜀為

西部，置兩部尉。一居旄牛，主徼外夷。一居青衣，主漢

人。旄牛，青衣並今蜀郡之西。後漢明帝永平中，益州刺史朱輔慷慨

有大畧，宣示漢德，威懷遠夷，自汶山以西，前代不

至，正朔所不加。狼獾、木唐、叢等。叢，阻留反。百有餘國，戶百

三十餘里。舉種奉貢，稱為臣僕。和帝永光十二年，旄

牛徼外，白狼、樓薄、蠻夷、王唐、繒等，遂率種十七萬戶

口內屬。安帝永和元年，蜀郡三襄種夷與徼外汗澣

種反叛，攻蠶陸城。翼郡地在蜀郡之西，汗音烏川呼五反。殺長吏二年。

青衣道夷邑長令田。今姓田，各也。與徼外三種夷三十一

萬口，舉土內屬。後旄牛夷叛，攻零關。零關道屬漢越雋，即今郡。益

州刺史張喬與西部尉擊破之。於是分置蜀郡、蜀國

都尉，領縣四，如太守。

冉駝



冉駝。漢時自筰以北君長十數。冉駝最大。其俗土著。

或隨畜遷徙。在蜀西。武帝元鼎六年。以為汶山郡。今蜀

郡西北通化郡地至宣帝地節三年。夷人以立郡賦重。帝乃

省并蜀郡為北部都尉。其山有六夷七羌九互。各有

部落。其王侯頗知文書。土氣多寒。雖在盛夏。冰猶不

釋。皆依山居止。累石為室。高者至十餘丈。為邛籠。今彼

土夷人呼為彫又土地剛鹵。不生穀粟麻菽。唯以麥為資。而

互畜牧。有旄牛無角。一名犏牛。肉重千斤。毛可為毼。

犏徒冬反。肥音冒。出名馬。有羴羊可療毒。又有食藥鹿。鹿麕

有有胎者。其腸中有糞。亦療毒疾。又有五角羊。其西

又有三河繫于虜北。有黃石地。北盧水胡其表。乃為

徼外。後漢靈帝時。復分蜀郡北部為汶山郡。蜀後主

建興十年。汶山平康夷反。姜維討破之。

附國

附國。隋代通焉。在蜀郡西北二千餘里。即漢之西夷

也。有嘉良夷。即其東部。所居種自相率領。不能統一。

土俗與附國同。言語少殊。其人並無姓氏。其地南北

八百里。東西四千五百里。無城柵。近川谷。傍山險。俗

好復讎。故壘石為礮。而居以避其患。其礮與巢字同高至

十餘丈。下至五六丈。狀以浮圖。於下級開小門。從內

上通夜必關閉。有二萬餘家。弓長六尺。以竹為弦。妻其群母。及嫂兄弟。歿父兄亦納其妻。好歌舞。鼓簧吹長苗。有歿者無服制。置屍於高床上。沐浴衣服以牟甲。覆以獸皮。子孫不哭。帶甲舞劍而呼云。我父為鬼所取。我欲報冤殺鬼。其俗以皮為帽。形圓如鉢。或戴幕離。衣多毛毳裘。毳胡割反全剝牛角皮為靴。項繫鐵釧。王與酋師金飾首。冑前懸一金花。徑三寸。其土高氣候涼。多風少雨。宜小麥。青斜山出金銀。多白雉。水有嘉魚。長四尺。鱗細。煬帝大業四年。其王遣子弟宜林率嘉良夷六十人朝貢。嘉良有水闊六七十丈。附國

水闊百餘丈。並南流。用皮為舟。而濟附國南有薄。夷風俗亦同。西有女國。其東國連山綿亘數千壘。接党項及諸羗。按其地接汶山故為附焉

哀牢

哀牢。後漢時通焉。其先有婦人名沙壹。居於牢山。嘗捕魚水中。獨沉木。若有感。因懷隻十月產男。子後沉木化為龍出水。因舐其男之背。其母鳥語謂背為九。謂坐為隆。因名曰九隆。九漸相滋長。種人皆刻畫其身象龍文。衣背著尾。九隆代代相繼。乃分置小王。往往邑居。散在溪谷。絕域荒外。山川阻深。生人以來。未

嘗交通中國。光武建武中，其王賢栗等遂率衆人戶二千七百詣越雋太守鄭鴻降，求內屬。帝封賢栗等爲君長，自是歲來朝貢。明帝永平中，哀牢王柳貊遣子種率人內屬，其稱邑王者七十人，戶五萬一千八百九十四。界去洛陽七千里。明帝以其地置哀牢博南二縣，今雲南越雋之西，割益州郡西部都尉所領六縣，後漢六縣謂不韋雋唐北蘇葉榆耶龍雲南並今雲南越雋之西，合爲永昌郡。卽今雲南郡始通博南山，渡蘭倉水，華陽國志曰博南縣西山行高三十里越之得蘭倉水行者苦之，歌曰：漢德廣，開不賓，度博南，越蘭津，渡蘭倉，爲他人哀，牢人皆穿鼻僂耳。僂丁其渠，咄自謂王者。

且皆下肩而已。土地沃美，宜五穀蠶桑，染絲文繡，蘭

干細布。華陽國志曰蘭干，獠言紵也。織成文章綾錦，有梧桐木華

績以爲布。廣志曰梧桐有白者，剽國有桐木，其華有白毳，取毳淹績，緝以爲布。幅廣五

尺，潔白不受垢汗，先以覆亡人，然後服之。其竹節相

去二尺，名曰濮竹。出銅鐵、鉛、錫、金、銀、光珠。博物志曰光珠則江

珠、琥珀、水精、瑠璃、軻蟲、蚌珠、孔雀翡翠、犀象、猩猩、豹

獸。山海經云猩猩知人名，揚華陽國志曰永昌郡有猩猩能言，取其血可以染珠，蜀荀卿子曰猩猩能

言笑，淮南萬畢術曰婦終知來，猩猩知往，註云並神獸也。後魏酈充注水經云武平郡封溪縣有獸名猩猩，後形人面，身毛黃，姿顏端正，善學人語，聞者無不

釀楚，太原王綱著傳云阮研曾使封溪，見邑人說猩猩好酒及履里人置之山谷，嘗行路百數爲郡見酒

物等知人設張取之，此獸甚靈，先知其人祖父姓名。

而罵曰奴欲殺我捨爾去也既去復還因相呼曰試
共嘗酒及飯乃其其味速乎醉借擒之無遺逃遂置
檻中隨其所欲飼之將亨索其肥者乃自雅擇泣而
漬之又禮記曰猩猩能言廣志云猩猩唯聞其啼不
聞其言出交趾郡封溪縣按前代永昌郡即今雲南
郡武平間即今安南郡並封畧之內古謂其靈而智
不因人教而解人語殊為珍異秦漢以降天下一家
卽嶺南獻能言鳥及馴象西域獻汗血馬皆載之史
傳以爲奇物復廣異聞聲教遠覃如越裳白雉之類
故彰示後代則猩猩不劣於鳥象何爲獨無獻乎獲
之以充口實則致之固難也王莽置漢孺子於西壁
中禁火與語及長不能名六畜猩猩若非靈異日解
人語卽須因教方成又不可容易而爲庖膳也是知
諸家所說不加考覈遽相祖述耳佑以爲廣志尤足
徵矣血染朱罽偏問胡商永昌太守鄭純爲政清絜
元無此事故詳而疏之

行夷人與哀牢夷人約邑豪歲輸布貫頭衣二領鹽
一斛爲常賦夷俗安之唐麟德元年五月於昆明之
拊棟川置姚州都督府每年差兵募五百人鎮守武
太后神功二年閏十月蜀州刺史張柬之上表曰姚
州者古哀牢之舊國本不與中國交通前漢唐蒙開
夜郎滇筰而哀牢不附至光武季年始請內屬漢置
永昌郡以統理之稅其鹽布氈罽以利中土其國西
通大秦南通交趾奇珍進貢歲時不闕及諸葛亮五
月渡瀘收其金銀鹽布以益軍儲使張伯岐選其勁
卒以增武備前代置郡其利頗深今鹽布之稅不供
珍奇之貢不入而空竭府庫驅率平人受役夷蠻肝
腦塗地漢以得利既多歷博南山涉蘭倉水更置博

南哀牢二縣蜀人愁怨行者作歌蓋漢得其利人且怨歌今於國家無絲髮之利在百姓受終身之酷往者諸葛亮破南中使其渠帥自相統領不置漢官亦不留鎮守臣竊以亮之策妙得羈縻蠻夷之術今魏府置官既無安邊靜寇之心又無葛亮且縱且擒之術唯知詭謀狡筭恣情割剝貪婪劫掠積以為常扇動酋渠遂成朋黨提挈子弟嘯引凶愚今見散亡彼州專以掠奪為業姚州本武陵縣主簿石子仁奏置之後長史李孝讓辛文協並為群蠻所殺又使將軍李義總往征郎將劉惠在戰陣歿其州遂廢即諸葛

亮稱置官留兵有三不易之言遂驗垂拱四年南蠻郎將王善寶昆州刺史樊乾福又請置州奏言所有課稅自出姚府管內更不勞擾蜀川及置州後錄事參軍李稜為蠻所殺延載年中司馬成琛請於瀘南置鎮七所遣蜀兵防守自此蜀中騷擾于今不息伏乞省罷姚州使隸舊府歲時朝覲同之蕃國瀘南諸國悉廢於瀘北置關百姓非奉使入蕃不許交通往來疏奏不納

南詔

南詔或曰鶴柘曰龍尾曰苴咩曰陽劍本哀夷牢後

烏蠻別種。夷語王爲詔。其先渠帥有六詔。號六詔曰
蒙雋詔。越析詔。浪穹詔。澄睽詔。施浪詔。蒙舍詔。兵埒
不能相君長。蜀諸葛亮討定之。蒙舍詔在諸部南。故
曰南詔。居永昌姚州之間。鐵橋之南。東距爨。東南屬
交趾。西摩伽佗。西北與吐蕃接。南爰王。西南驃。北抵
益州。東北際黔巫。王都羊苴咩城。別都曰善闡府。王
自稱曰元。猶朕也。謂其下曰祖。猶卿爾也。官之大者
曰清平。官以決國事。猶唐宰相也。爽猶省也。督爽總
三省也。百家有總俗。千家有治人。官萬家有都督。一
凡田五畝曰雙。上官授田四十雙。上戶三十雙。以是

爲差壯者爲戰卒。有馬爲騎軍。一將統千人。四軍置
一將。其外有六節度。二都督。十賧。夷語賧若州。云初
群山之西多瘴。敵地平草不枯。自曲請州至滇池。人
水耕食蠶。以柘蠶生。閱二旬而蠶大。和祈鮮而酉。人
不蠶。剖波羅樹實。狀若絮。紐縷而幅之。有井產鹽。有
野桑。生石上。其材可爲弓。不筋漆而利。長川諸山有
金越。睽之西多薦草。產善馬。婦人不粉黛。以蘇澤髮。
俗以寅爲正。四時大抵與中國少差。師行以二千五
百人爲一營。其法前傷者養治。後傷者斬犁。田一牛
三夫。前輓中壓。後驅。然專于農。無貴賤皆耕不繇役。

歲輸米二斗一藝者給田二收乃稅王蒙氏父子以名相屬自舍隆以來有譜次可攷舍隆生細奴邏唐高宗時遣使者入朝賜錦袍其孫炎閣武后時入朝炎閣立歿開元時弟盛邏皮立生皮邏閣授特進封臺登郡王炎閣未有子時以閣羅鳳為嗣及生子慶其宗而名成閣遂不改開元末皮邏蠻逐河蠻夷取大和城又襲大釐城守之因城龍口夷語山陂陀為和故謂大和以處閣羅鳳天子詔賜皮邏閣名歸義當是時五詔徵歸義獨疆乃厚以利啖劔南節度使王昱求合六詔為一制可歸義已并群蠻遂破吐蕃

寶騎大入朝天子亦為加禮又以破洱蠻功馳遣中人冊為雲南王賜錦袍金鈿帶七事於是徙治大和城天寶初遣閣羅鳳子鳳迦異入宿衛拜鴻臚卿恩賜七載歸義歿閣羅鳳立襲王以其子鳳迦異為瓜州刺史初安寧城有五鹽井人得煮鬻自給玄宗詔特進何履光以兵定南詔境取安寧城及井復立馬援銅柱乃還鮮于仲通領劔南節度使下忿少方略故事南詔嘗與妻子謁都督過雲南太守張虔陀私之多所求丐閣羅鳳不應虔陀數詬斬之陰表其罪由是忿忿反發兵攻虔陀殺之取姚州及小夷州凡

文獻通考 卷之三十三
三十二明年仲通自將出戎萬州分二道進次曲州
靖州閣羅鳳遣使者謝罪願還所擄得自新旦城姚
州如不聽則歸命吐蕃恐雲南非唐有仲通怒囚使
者進薄白厓城大敗引還閣羅鳳歛戰鬻築京觀遂
北臣吐蕃吐蕃以爲弟夷鍾稱贊普鍾給金印號東
帝揭碑國門明不得已叛曰我上世世奉中國累封
賞後嗣容歸之若唐使至可指碑澡後吾罪也會揚
國忠以劔南節度當國乃調天下兵凡十萬使侍御
史李宓討之輦餉者尚不在涉海而疫歿相踵於道
宓敗于太和城歿者十八亦會安祿山反閣羅鳳因

反閣羅州會同軍據清溪關以破越析梟于贈西而降
尋傳驃諸國尋傳蠻者俗無絲纊跣履榛棘不苦也
射豬生食其肉戰以竹籠頭如兜鍪其西有裸蠻亦
曰野蠻漫散山中無君長作檻舍居男少女多無田
農以木皮蔽行婦或十或五共養一男子廣德初鳳
連異築柘東城諸葛亮石刻故文曰碑卽什蠻爲漢
奴夷畏誓常以石楮梧大曆十四年閣羅鳳以鳳迎
異前歿立其孫異牟尋以嗣異牟尋有智數善撫衆
略知書母李獨錦蠻女也獨錦蠻亦爲烏蠻種秦藏
川南天寶中命其長爲歸州刺史世與南詔婚媾異

牟尋立。悉衆二十萬人寇。與吐蕃并力。一趨茂州。踰文川。援灌口。一趨扶文。掠方維。白坭。一侵黎雅。叩邛邛關。令其下曰。爲我取蜀。爲東府。工伎悉送。邏娑城。歲賦一縑。於是進陷城。聚人率走。山德宗發禁衛及幽州郡以援東川。與山東兵合。大敗異牟尋衆。斬首六千級。擒生捕傷甚衆。顛蹄崖峭且十萬。異牟尋懼。徒直咩城。築寨十五里。吐蕃封爲日東王。然吐蕃責賦數。悉奪其險。立營候歲索兵助防。異牟尋稍苦之。唐人鄭回爲清平官。說異牟尋曰。中國有禮義。少求責。非若吐蕃。休刻無極也。公棄之。復歸唐。無遠戍勞。

利莫大於此。異牟尋善之。會節度使韋臯撫諸蠻。有威惠。諸蠻頗得異牟尋語。白臯。貞元九年。乃遣使者趣成都。遺臯書。願竭誠自新。歸款。天子請加戍劔南。西山。涇原等州。安西鎮守揚兵四臨。委回鶻諸國。所在侵掠。使吐蕃勢分力散。不能爲邊患。德宗嘉之。賜以詔書。異牟尋乃殺吐蕃使。迎唐使。遣其臣隨使入朝。初。吐蕃與回鶻戰。殺傷甚。乃調南詔萬人。異牟尋欲襲吐蕃。陽示寡弱。以三千人行。卽自將數萬踵後。晝夜行。大破吐蕃於神川。遂斷鐵橋。溺歿以萬計。俘其五王。乃遣使入獻地圖方物。請復號南詔。帝賜賚。

有加遣使冊異牟尋爲南詔王。異牟尋迎使拜詔甚
恭。尋遣清平官入謝貢方物。復攻吐蕃取昆明城以
食鹽池。又破施蠻順蠻並虜其王。置白崖城。因定磨
些蠻隸。昆山西爨故地。茫蠻掠弄棟蠻。漠裳蠻以實
雲南東北。十五年。異牟尋謀擊吐蕃。帝許出兵助。又
請以大臣子弟爲質於臯。舍之成都令就學。且言昆
明。嵩州與吐蕃接。不先加兵。爲虜所脅。反爲我患。請
臯圖之。時唐兵比歲屯京西朔方。大峙糧。欲南北並
攻。取故地。然南方轉饟稽期。兵不悉集。是夏吐蕃飢
疫。替普歿。新君立。臯揣虜未敢動。勸異牟尋緩舉。會

吐蕃大臣謀襲南詔。臯乃命部將屯黎嵩二州爲援。
旣而吐蕃五萬分二軍攻雲南。一軍攻嵩州。臯將扶
忠義取末恭城。俘係牛羊千計。吐蕃將馬定德監軍
野多輸煎等俱來降。虜氣衰。軍不振。無功而還。期以
明年吐蕃苦唐詔。犄角亦不敢圖。南詔異牟尋比年
獻方物。天子禮之。元和三年。異牟尋歿。遣使弔祭。子
尋閣勸立。或謂夢湊自稱驃信夷女君也。改賜元和
印章。明年歿。子勸龍晟立。淫肆不道。上下怨疾。十一
年。爲弄棟節度王嗟巔所殺。立其弟勸利。詔少府少
監李銑爲冊立弔祭使。勸利德嗟巔賜氏蒙。封大容

蠻謂兄爲容。長慶三年，始賜印。是歲，弟豐祐立。豐祐趨敢善用其下，慕中國，不肯連父名。穆宗使京兆少尹韋審規持節臨冊。豐祐遣洪成酋趙龍、些楊定奇入謝。天子於是西川節度使杜元穎治無狀，障候弛沓相蒙。時大和三年也。嗟巔乃悉，衆掩邛成，雋三州陷之。入成都，止西郭十日，慰賚居人，市不擾肆。將還，乃掠子女工技數萬引而南。人惧自殺者不勝計。救兵逐嗟巔，身自殿至大度河。謂華人曰：「此吾南境爾。去國當哭。」衆號慟，赴水死者十三。南詔自是工文織，與中國埒。明年上表請罪。比年使者來朝，開成會。

昌黎再至。大中時，李琢爲安南經畧使，苛墨自私，以斗鹽易一牛。夷人不堪，結南詔將段酋遷陷安南都護府，號白衣沒命軍。南詔發諸弩法，直三千助守。然朝貢猶歲至。從者多杜棕，自西川入朝，表無內蠻僂。豐祐怒，卽慢言索質子。會宣宗崩，使者告哀。是時豐祐亦歿，坦綽酋龍立。憲朝廷不弔，卹。又詔書乃賜故王以草具，進使者而遣。遂僭稱皇帝。建元建極，自號大禮國。懿宗以其名近玄宗，嫌諱絕朝貢。乃陷播州。安南都護李劇屯武州。咸通元年，爲蠻所攻，棄州走。明年攻邕，管詔湖南觀察使蔡襲發諸道兵二萬屯。

守南詔憚畏不敢出會詔左庶子蔡京經制嶺南忌
襲功奏罷其兵南詔乃攻交州進畧安南陷之詔諸
軍保嶺南更以秦州經畧使高駢爲安南都護南詔
稍逼邕州乃大興諸道兵益戍又分兵屯容藤披蠻
勢置行交州於海門五年南詔回掠雋州以揺西南
西川節度使蕭鄴率屬蠻鬼主邀南詔大度河敗之
明年復來攻盡殺戍卒時安南久屯兩河銳士瘴毒
死者十七高駢以選士五千度江敗林邑兵於邕州
遂攻交州戰數勝士酣鬪斬首三五級安南平十年
酋龍復入寇陷嘉州黎州進攻成都次眉州蠻本無

不能乘機會鼓行亟驅但虺結蠅營怛鹵剽小利
處處留屯故蜀孺老得扶攜悉入城都間里皆滿蠻
傳外郭西川節度使盧耽遣將出兵三面苦戰蠻引
却帝遣東川節度使顏慶俊以兵應接蠻聞鳳翔山
南軍且來乃迎戰王師燒其攻具蠻大敗乃引去酋
龍年少嗜殺戮親戚異已者皆斬兵出無寧歲男子
十五以下悉發婦耕以餉軍十四年復寇蜀攻大渡
河陷黎州入邛州成都大震城中固守蠻至新津而
還回寇黔中俄攻黎州僖宗乾符元年劫掠雋雅間
破黎州入邛崃關掠成都閉三日乃去詔以高駢領

西川節度使駢至閱精騎五千。逐蠻至大度河。奪鎧馬。執酋長五十斬之。收邛崃關。復取黎州。南詔遁還。酋龍使奉書焉和。駢荅曰。我且將百萬衆至龍尾城。問爾罪。酋龍大震。自南詔叛。天子數遣使至其國。酋龍不肯拜。使者遂絕。駢以其俗尚浮屠法。故遣浮屠景仙攝使。酋龍與其下迎謁且拜。乃定盟而還。遣清平官酋望。趙宗政。質于二十入朝。乞盟請爲兄弟。若舅甥。詔拜景仙鴻臚卿檢校左散騎常侍。駢結吐蕃尚延心。嗚未魯。耨笏等爲間。築戎州馬湖。沐源川。大度河三城。列屯拒險。料壯卒爲平夷軍。南詔氣奪。酋

龍患發疽歿。僞謚景莊皇帝。子法嗣。改元貞明。承智大同。自號大封人。法年少好畋獵。酣逸。衣絳紫錦罽。鏤金帶。國事顯決。大臣乾符四年。遣陀西段瑳寶詣邕州節度使辛儼。請脩好。詔使者荅報。未幾。寇西川。駢奏請與和親。右諫議大夫柳韜。吏部侍郎崔澹醜其事。上言遠蠻畔逆。乃因浮屠誘致。入議和親。垂笑後世。駢職上將。謀乖謬。不可從。遂寢。蠻使者再入朝。議和親。而駢從荆南持前請不置。宰相鄭畋。盧攜爭不決。皆罷。帝手詔問崔安潛和親事。荅曰。雲南姚州。譬一縣。中國何資於彼。而遣重使加厚禮。彼且妄謂

文獻通考 卷之三百二十九 三十二
朝廷畏怯無能。脫有他請。何以待之。且天宗近屬。不可下小蠻夷。南詔知蜀強。故襲安南。陷之。都護曾充奔邕府。戍兵潰。會西川節度使陳敬瑄。申和親議。時盧攜復輔政。與豆盧瑑皆厚駢。入譎說。帝曰。咸通以來。蠻始叛命。再入安南。邕管一破。黔州四盜。西川遂圍。盧耽召兵東方。戍海門。天下騷動。十有五年。中藏空虛。士歿瘴癘。可為痛心。今朝廷財匱兵少。安南客戍單寡。鈔冬寇禍可虞。誠命使臨報。縱未稱臣。且伐其謀。外以縻服蠻夷。內得蜀休息也。帝謂然。乃以宗室女為安化長公主。遣使許婚。使還具言。驃信誠款。

以為敬瑄功。進其官。南詔遣其宰相趙隆眉楊奇混。段義宗朝。行在迎公主高駢。自揚州言。二人南詔腹心。宓止而鳩之。蠻可圖也。帝從之。隆眉等皆歿。自是謀臣盡矣。蠻亦衰。法歿。偽謚聖明。文武皇帝子舜化立。遣使款黎州。脩好。昭宗不荅。後中國亂。不復通。後唐同光三年。既平蜀。魏王繼岌奏。齎書招諭南詔。蠻天成元年。供奉官李彥楷等雲南使回。雋州山後兩林百蠻都鬼主右武衛將軍李卑。晚差大鬼主傳能阿化等來朝。貢明宗引見。加官。遣還。二年七月。遣使入蠻。九月。西川奏。據黎州林申雲南使趙和於大渡。

河南起舍一間留信物十五籠并詩一卷遞至闕下
宋太祖鑒唐之禍基於南詔乃棄越雋諸郡以大渡
河爲界使欲爲寇則不能爲臣則不得橫山有寨互
管以西虎頭關九十里險甚所在把握峒丁結聚道
路荒僻大理益不通於中國皇祐中儂智高敗奔大
理其國捕之以聞熙寧九年遣使貢方物自後不常來
亦不領於鴻臚政和三年廣州觀察使黃璘奏南詔
大理慕義懷來願爲臣妾欲聽其入貢詔置局於賓
州六年遣進奉使李紫琮等過鼎州請詣學瞻拜宣聖
像許之遂遍謁見諸生又乞觀御書閣閱讀御製舉

笏叩首七年至京師貢馬及麝香等制以其王段和
譽爲金紫光祿大夫檢校司空雲南節度使上柱國
大理國王高宗紹興三年廣西奏大理國欲進奉及
賣馬事上曰令賣馬進奉可勿許彼之進奉實利賈
販但令帥臣邊將償其馬直當價則馬當繼至庶可
增諸將騎兵不爲無益也六年廣西經略司奏大理
人使進奉表章國信及象馬約五月至橫山詔所進
方物除不受外餘驛付行在仍計價優與回賜章表
等遞進降勅書回荅

石湖范氏桂海虞衡志曰大理南詔國也本唐小

夷蒙會詔在諸部最強故號南詔自皮邏諸併五
 詔為一受冊封雲南三至異牟尋封南詔王至首
 龍而稱驃信改元自稱大禮國今其與中國接乃
 稱大理國與唐史禮理字異未詳所始大理地廣
 人庶器械精良前志載之詳矣邕州右江水與大
 理大槃水通大槃在大理之威楚府而特磨道又
 與其善闡府者相接自邕州道諸蠻獠至大理不
 過四五十里產良馬可與山通北梗自杞南梗
 特磨久不得至語在大理馬條下乾道癸巳冬忽
 有大理人李觀音得董六斤黑張般若師等率以

三字為名凡二十三人至橫山議市馬出一文書
 字畫畧有法大畧所須文選五臣註五經廣註春
 秋後語三史加註都大本草廣註五藏論大般若
 十六會序及初學記張孟押韻切韻玉篇集聖曆
 百家書之類及須浮量銅器并椀疑即饒州浮梁
磁器書梁作量
 琉璃椀壺及紫檀沉香木甘草石決明井泉石蜜
 陀僧香蛤海蛤等藥稱利正二年十二月其後云
 古人有云察實者不留聲觀行者不識詞知己之
 人幸逢相謁言因未同情慮相契吾聞夫子云君
 子和而不同小人同而不和今兩國之人不期而

會者。豈不習夫子之言哉。續繼短章。伏乞斧伐。短章有言。音未會意。相和。遠隔江山。萬里多之語。其人皆有禮儀。擎誦佛書。碧紙金銀字相間。邕人得其大悲經。稱為坦綽。趙般若宗祈禳。目疾而書。坦綽。首望清平官。皆其官名也。邕守犒來者。後以遣歸。然南詔地極西南。當為西戎。尤邇蜀都。非桂帥所當鎮撫。

文獻通考卷之三百三十

鄱陽 馬端臨 貴與 著

驃國

唐正元十八年春。正月。南詔使來朝。驃國王始遣其弟悉利移來朝。華言謂之驃。自謂突羅朱闍婆。人謂之徒里拙。古未嘗通中國。魏晉間有著西南異方志及南中八郡者。云永昌。古哀牢國也。傳聞永昌西南三千里有驃國。君臣父子。長幼有序。然無見史傳者。今其聞南詔異牟尋歸附。心慕之。乃因南詔重譯遣子朝貢。東北拒南詔咩苴城。六千八百里。凡去上都

萬四千里。在永昌故郡南二千里餘。其國境東西三千里。往來通聘者。迦羅婆提等二十國。役屬者道林王等九城。食境土者。羅君潛等二百九十八部落。東鄰真蠟國。西接東天竺國。南盡溟海。北通南詔些樂城界。其王姓困沒長。名摩羅惹。其國相名摩訶斯那。其王近適則。輿以金繩牀。遠適則乘象。嬪御甚衆。侍御常數百人。其羅城構以甃甃。周一百六十里。塚岸亦構以甃。相傳本是舍利佛城。內有居人數萬家。佛寺百餘區。其堂宇皆錯以金銀。幄以丹彩。地以紫鑛。覆以錦罽。其俗好生惡殺。其土宜菽粟稻粱。無麻麥。

其刑無刑名。桎梏之具。犯罪者以竹五本束之。伏犯者撻其背。數止五。輕者止三。殺人者戮之。男女七歲則落髮止。寺住桑門。至二十五悟佛理。乃復爲居人。其衣服悉以白氎。與朝霞繞腰而已。不衣繒帛。云出於蠶爲傷生也。獻其國樂凡二十二曲。與樂工三十人來朝。樂曲皆演釋氏經論之詞意。二十一年。四月。封彌臣國嗣王道勿禮爲彌臣國王焉。咸通三年。二月。遣使貢方物。

西原蠻

西原蠻。居廣容之南。邕桂之西。有甯氏者。相承爲豪。

又有黃氏居黃橙洞其隸也。其地西接南詔。唐天寶初。黃氏強。與韋氏儂氏脣齒爲寇害。據十餘州。韋氏周氏耻不肯附。黃氏攻之。逐于海濱。至德初。首領黃乾曜。真崇。鬱。與陸州。武陽。朱蘭。洞蠻皆叛。推武承斐。韋敬簡爲師。僭號中越王。廖殷爲桂南王。莫淳爲柘南王。相支爲南越王。梁奉爲鎮南王。羅誠爲戎成王。莫溥爲南海王。合衆二十萬。縣地數千里。署置官吏。攻桂管十八州。所至焚廬。合掠士女。更四歲不能平。乾元初。遣中使慰曉諸首領。賜詔書赦其罪。約降。於是西原環右等州。首領方子彈。甘令暉。羅承韋。張九

齡。朱原。五百餘人。請出兵討承斐等。歲中戰二百。斬黃乾曜。真崇。鬱。廖殷。莫淳。梁奉。羅誠。莫溥。七人。承斐等以餘衆面縛詣桂州降。盡釋其縛。差賜布帛縱之。其種落張侯。夏永。與夷獠梁崇。牽單。問及西原酋長吳功曹。復合兵內寇。陷道州。據城五十餘日。桂管經畧使邢濟擊平之。執吳功曹等。餘衆復圍道州。刺史元結固守不能下。進攻永州。陷邵州。留數日而去。湖南團練使辛京果。遣將王國良。戍武崗。嫉京果貪暴。亦叛。有衆千人。侵掠州縣。發使招之。且服且叛。建中元年。城溱州以斷西原。國良乃降。貞元十年。黃洞首

領黃少卿者。攻邕管。圍經畧使孫公噐。請發嶺南兵窮討之。德宗不許。命中人招諭。不從。俄陷欽橫潯貴四州。少卿子昌馮趨勇。前後陷十三州。氣益振。乃以唐州刺史楊旻爲容管。招討經畧使。引帥掩賊。一日六七戰皆破之。侵地悉復。元和初。邕州擒其別帥黃承慶。明年。少卿等歸款。拜歸順州刺史。弟少高爲有州刺史。未幾復叛。又有黃少度。黃昌瓘二部。陷賓蠻二州。據之。十一年。攻欽橫二州。邕管經畧使韋悅破走之。取賓蠻二州。是歲復屠巖州。桂管觀察使裴行立輕其軍弱。首請發兵盡誅叛者。徼幸有功。憲宗許之。行立兵出擊彌。更三歲。妄奏斬獲二萬。罔天子爲解。自是邕容兩道沒傷疾疫歿者十八以上。調費闕亡。繇行立陽曼二人。當時莫不咎之。及安南兵亂。殺都護李象古。擢唐州刺史桂仲武爲都護。逗留不敢進。貶安州刺史。以行立代之。尋召還卒。長慶初。以容管經畧使留後嚴公素爲經畧使。上表請討黃氏。兵部侍郎韓愈建言曰。南討損傷。嶺南人希賊之所處。洞壘荒僻。假如盡殺其人。得其地。在國計不爲有益。容貸羈縻。比之禽獸。來則捍禦。去則不追。未有虧損朝廷。願因改元大慶。普赦其罪。遣官以天子恩意宣

文獻通考 卷三百三十一

諭必能聽命。乃選材用威信者。處以經畧。處理得方。宜無侵叛不納。後黃賊更攻邕州。陷左江鎮。攻欽州。陷千金鎮。明年又寇欽州。是歲黃昌玠遣其黨陳少奇二十人歸款請降。敬宗納之。黃氏儂氏據州十八。經畧使至遣一人詣治所。稍不得意。輒侵掠諸州。橫州當邕江官道。嶺南節度使常以兵五百戍守。不能制。大和中。經畧使董昌齡遣子蘭討平峒穴。夷其種黨。諸蠻畏服。有違命者。必嚴罰之。十八州歲輸貢賦。道路清平。其後儂洞最強。結南詔爲助。懿宗與南詔約和二洞。數構敗之。邕管節度使辛讜以從事徐雲

庚使南詔結和齋美貨啖二洞首領儂金勒等與之通歡。金勒聽命。宋時儂氏爲世廣源州首領。州在邕州西南鬱江之源地。峭絕深阻。產黃金丹砂。頗有邑居。聚落自交趾蠻據有安南而廣源雖號邕管。羈縻其實。服役於交趾。初有儂全福者。知儂猶州。其弟存祿知萬涯州。全福妻弟儂當道。知武勒州。一日全福殺存祿。當道并有其地。交趾怒。舉兵虜全福及其子智聰。以歸。其婦阿儂本左江武勒族也。轉至黨猶州。全福納之。全福見虜阿儂。遂嫁商人。生子名智高。生十三年。殺其父商人。曰天下豈有二父邪。因冒儂姓。

與其母出據儻猶州建國曰大曆交趾復拔儻猶州
執智高釋其罪使知廣源州又以雷火頻婆回峒及
思浪州附益之居 四年內怨交趾襲據安德州僭
稱南天國改年景瑞 皇祐五年寇邕州 明年交
趾發兵討之不克廣西轉運使蕭固遣邕州指使开
贛往刺候而贛擅發攻智高爲所智因問中國虛實
贛爲陳大略說智高內屬乃遣贛還奉表請歲貢方
物未聽又以馴象金銀來獻朝廷以其役屬交趾拒
之復後齎金函書以請知邕州陳珙上聞不報智高
旣不得請又與交趾爲仇且擅山澤之利遂招納亡
命數出敵衣易穀食詒言峒中饑部落雜散邕州信
其微弱不設備也乃與廣州進士黃瑋黃師宓及其
黨儂建侯儂志忠等日夜謀入寇一夕焚其巢穴給
其衆曰平生積聚今爲天火焚無以爲生計窮矣當
拔邕州據廣州以自王否則兵死 四年四月率衆
五千沿鬱江東下攻破橫山寨遂破邕州執知州陳
珙等害之智高僭號仁惠皇帝改年啟曆時天下久
安嶺南州縣無備一旦兵起倉卒守將多弃城遁故
智高所向得志相繼破橫貴龔潯藤梧州封端康九州
所至焚府庫殺官吏進圍廣州五十餘日不克解去

又破昭賓二州復據邕州陳曉等兵敗朝廷命狄青
爲宜撫使督諸軍進兵絕崑崙關智高悉衆拒戰大
敗夜焚城遁由合江口入大理國智高自起至平幾
一年暴踐一方吏民不勝其毒朝廷爲下赦令拊瘡
瘼智高旣敗其母阿儂入保特磨依其夫儂夏卿收
殘衆三千餘人復欲入寇安撫使余靖督部吏發峒
兵入特磨掩襲之獲阿儂及智高弟光等檻送京師
弃市智高不知所終儂氏又有宗旦者知火峒稍桀
黠嘉祐二年嘗入寇知桂州蕭固招之內屬補以
官

七年宋旦父子請以所屬城峒永爲王民詔各還一
官賜賚有差是歲儂夏卿儂亮亦自特磨來歸皆其
族也

石湖范氏桂海虞衡志曰儂智高反朝廷討平之
因其疆域參唐制分析其種落大者爲州小者爲
縣又小者爲洞凡五十餘所推其長雄者首領籍
其民爲壯丁以蕃籬內郡障防外蠻緩急追集備
禦制如官軍其酋皆世襲分隸諸寨總隸於提舉
左江四寨二提舉右江四寨一提舉寨官民官也
知寨主簿各一員掌諸洞財賦左江屯永平太平

右江屯橫山。掌諸洞煙火民丁。以官兵盡護之。大抵人物獷悍。風俗荒恠。不可盡以中國教法繩治。姑羈縻之而已。有知州權州監州知縣知洞。皆命於安撫。若監司給文帖。朱記其次。有同發遣權發遣之屬。謂之官典。各命於其州。每村團又推一人爲長。謂之主戶。餘民皆稱提陀。猶言百姓也。洞丁有爭。各訟諸酋。酋不能決。若酋自爭。則訟諸寨。或提舉又不能決。訟諸邕管。次至帥師而止。皇祐以前知州補授。不過都知兵馬使。僅比徽校。智高之亂。洞人立功。始有補班行者。諸洞知州不敢坐其

上。視朝廷爵命尚知尊敬。元豐以後。漸任中州官。近歲洞酋多寄籍內地。納粟補授。無非大小使臣。或敢詣闕陳獻利害。至借補閣職。與帥守伉禮。其爲招馬官者。尤與州縣相狎。子弟有入邕州應舉者。招致游士。多設耳目。州縣文移未下。已先知之。輿騎居室服用。皆擬公侯。如安平州之李棧。田州之黃諧。皆有強兵矣。民田計口給民。不得典賣。惟自開荒者由已。謂之祖業口分田。知州別得養印田。猶圭田也。權州以下無印記者。得蔭免田。旣各服屬其民。又以攻剽山獠。及博買嫁娶。所得生口

男女相配。給田使耕。教以武伎。世世隸屬。謂之家
奴。亦曰家丁。強壯可教。勤者謂之田子甲。亦曰馬
前牌。皆青布巾跣足。總謂之洞丁。舊一州多不過
五六百人。今有以千計者。元豐中。嘗籍其數十餘
萬。老弱不與此籍。久不脩矣。洞丁。徃徃勁捷能辛
苦。穿皮履。上下山不頓。其械噐有桶子甲。長槍手
標。偏刀。邊鐔。牌。山弩。竹箭。枕。榔。箭之屬。其相讎殺。
彼此布陣。各張兩翼。以相包裹。人多翼長者勝。無
他竒。民居苦茅爲兩重棚。謂之麻欄。上以自處。下
蓄牛豕。棚上編竹爲棧。但有一牛皮爲褥席。牛豕

之。升聞棧。辨習慣之。亦以其地多虎狼。不爾。則
人畜俱不安。深廣民居。亦多如此。洞人生理尤苟
簡。冬編鴉毛木綿。夏緝蕉竹麻紵爲衣。搏飯掬水
以食。家具藏土窖。以備寇掠。土產生金。銀。銅。鉛。綠
丹砂。翠羽。洞綵。練布。茴香草果。諸藥。各逐其利。不
困乏。今黃姓尚多。而儂姓絕少。蓋智高亂後。儂氏
善良。許從國姓。故今多姓趙氏。舉洞純一姓者。婚
姻自若。酋豪或聚數妻。皆曰媚娘。洞官之家。婚嫁
以僮豪汰侈相高。娉送禮儀。多至千擔。少亦半之。
婿來就親。女家於五里外。結草屋百餘間與居。謂

文獻通考 卷三百三十一 九
之入寮。兩家各以鼓樂迎男女至寮。女婢妾百餘。婿僮僕至數百。成禮之夕。兩家各盛兵爲備。小有言則兵刃相接。成婚後。婿常抽刃妻之婢妾。逆意卽手殺之。自入寮。能多殺婢。則妻黨畏之。否則謂之懦。半年而後歸夫家。人遠出而歸者。止於三十里外。家遣巫提竹籃。迺脫歸人帖身衣。竹之籃以前導還家。言爲行人收魂歸也。親始歿。被髮持餅奠。慟哭水濱。擲銅錢紙錢於水。汲歸浴屍。謂之買水。否則隣里以爲不孝。此州縣雖曰羈縻。然皆耕作省地。歲輸稅米於官。始時國家規模宏遠。以民

官治理之。兵官鎮壓之。以諸洞財力養官軍。以民丁備招集。驅使。上下相維。有臂指之勢。洞酋雖號知州縣。多服皂白布袍。類里正。戶長叅寨官。皆橫挺。自稱某州防遏盜賊。大抵見知寨如里正之於長官。奉提舉如卒五之於主將。視邕管如朝廷。望經畧帥府。則如神明。號令風靡。保彰隱然。比年不然。諸洞不供租賦。故無糧以養提舉之兵。提舉兵力單弱。故威令不行。寨官非惟墮不舉職。且日走洞官之門。握手爲市。提舉官亦不復威重。與之交關通賄。其間有自愛稍欲振舉。諸洞必共汙染之。

使以罪去。甚則醜焉。原其始皆邊吏冒法徇利致然。此弊固未易悉數也。故事安撫經畧使初開幕府。頒鹽綵徧犒。首領以公文下教。謂之委曲。大畧使固守邊界。存郵壯丁云。邕州守臣舊不輕付。屯卒將五千人。京師遣入作司大兵城。邊備甚飭。比來邕州經費匱闕。觸事廢弛。但存羸卒數百人。城壁器械頽壞不脩。安撫都監司事體腴弱。州洞桀黠無所忌。至掠省民客旅。縛賣於交趾。諸蠻又招收省民不逞。及配隸亡命者。以益田子甲。反隱然平視安撫都監司。此非特久計。慶曆廣源之變。爲

焦僥國

焦僥國後漢時通焉。明帝永平中。西南夷焦僥貢獻。安帝永初中。永昌徼外焦僥種夷陸賴等三千餘口。舉種內附。獻象牙水牛。封牛其人長三尺。穴居善游。鳥獸懼焉。其地草木冬落夏生。

檀國

檀音檀國後漢時通焉。和帝永元中。其國王雍由調遣譯奉國珍寶。和帝賜金印紫綬。安帝永寧初。復遣使朝賀。獻樂及幻人。能變化吐火。自支解。易牛馬頭。又

善跳丸數乃至十自言我海西人海西即大秦也禪
國西南大秦明年元會安帝作樂於庭封雍由調
爲漢大都尉

兩爨蠻

兩爨蠻自曲州靖州西南昆川曲輓晉寧喻獻安寧
距龍和城通謂之西爨白蠻自彌鹿升麻二川南至
步謂之東爨烏蠻西爨自云本安邑人七世祖晉南
寧太守中國亂遂王蠻中宋元帝時南寧州刺史徐
文盛召詣荆州有爨瓚者據其地延袤二千餘里土
多駿馬犀象明珠既歿子震翫分統其衆隋開皇初

幾叛史萬歲擊之至西洱河滇池而還震翫懼而入
朝文帝誅之諸子沒爲奴唐高祖即位以其子弘遠
爲昆州刺史奉父喪歸而益州刺史段綸遣諭大施
至南靈治共範川誘諸部皆納款貢方物太宗遣將
擊西爨開青蛉棟爲縣爨蠻之西有徙莫祗蠻儉望
蠻貞觀二十三年內屬以其地爲傍望覽丘求五
州隸郎州都督府白水蠻地與青蛉弄棟接郎州亦
隸弄棟西有大勃弄小勃弄二州蠻其西與黃瓜葉
榆西洱河接其衆完富與蜀將無酋長喜相讎怨永

徽初太勃弄楊承顛私署將帥寇麻州都督任懷王招之不聽高宗以左領軍將軍趙孝祖爲郎州道行軍總管與懷王討之至羅什侯山其酋禿磨蒲與大鬼主都于以衆塞菁口孝祖大破之夷人尚鬼謂主祭者爲鬼主每歲戶出一牛或一羊就其家祭之送鬼迎鬼必有兵因以復仇云孝祖屢破降諸部西南夷遂定玄帝時諸蠻互相並起攻稍離弱貞元中置都督府于峰州領羈縻州十八烏蠻與南詔世昏姻其種分七部落土多牛馬無布帛云皮俗尚巫鬼無拜跪之節其語四譯乃通中國大部落有大鬼白主家則置于鬼主勿鄧部地方千里有邛部六姓又有東白主蠻粟蠻雷蠻夢蠻散處黎雋戎數州之鄙隸勿鄧其南七十里有兩林部落其南有豐邕部落兩林地雖陘而諸部推爲長號都鬼主勿鄧豐邕兩林皆謂之東蠻天寶中皆受封爵及南詔陷雋州遂羈屬吐藩貞元中復通款以數爲吐蕃攻獵乃遺韋臯書乞兵攻吐蕃臯遣兵大破吐蕃於北谷獲其鎧仗牛馬詔封其鬼主苴邛時等皆爲郡王給印章袍帶歲給其部鹽綵後唐天成中山後兩林蠻遣其大鬼主來貢宋開寶二年兩林蠻王子及印部川蠻都鬼主入

文獻通考 卷三百三十一 十一
貢。詔嘉納之。賜以器幣。由黎州南行七百里至其地。又一程至鶴州。今廢。空城中但有浮圖一。又二程至建昌城。又十七程至雲南。三年七月。又朝貢。八年。又入貢。太平興國初。遣使貢名馬方物。乞頒正朔。詔加其官優獎之。淳化元年。黎州蠻乞互市。詔增給其直。自是訖真宗朝。入貢不絕。每優詔加官厚賜遣之。天聖八年十月。邛部川蠻王黎在。遣使入貢。時占城龜茲沙州亦皆入貢。至以家自隨。晏殊因請黎六人物衣冠。并訪道里風俗。以上史官。詔可。明道元年黎在請三歲一貢。詔諭道路遐遠。許五年一至。邛部於諸

中。最驕悍狡譎。招集蕃漢亡命。侵攘他種。閉其道以專利。熙寧三年。首領苴剋遣使來賀。登極自稱大渡河南。邛部山前山後百蠻都首。賜勅書器幣襲衣銀帶。苴剋歿。詔以其子韋則襲封懷化校尉。大渡河南邛部川都鬼主。乾道九年。詔以崖韞承襲。兄蒙備金紫光祿大夫。懷化都尉。都鬼主如故。從西川宣撫司請也。淳熙元年。吐蕃種落侵犯邊境。崖韞率衆掩殺。詔令四川宣撫司具功狀聞奏。二年。制置使范成大。奏兩林蠻王第籠畏首領崖來等。攻邛部川之襲甕城不克。虜掠而去。崖韞遣人追逐。已下黎州隄防。

之。七年。樞密院編脩官李嘉謀言黎州邊面。近則有
日。邛部川。曰。河南蠻。曰。女兒城。蠻曰。青差口吐蕃。曰。
五部落。遠則大小雲南州之。三邊。大抵諸蕃環列。今
以馬故。日至太守之庭。彼既狎玩。始有內侮之心。自
今宜令通判專任市馬。太守專任邊事。詔市馬令通
判專任。外。餘守臣措置。八年。崖韃歿。其姪墨崖承襲。
依例授官。詔自今黎民屯戍。土軍禁軍。並聽黎州守
臣節制。其西兵遇有邊事。亦聽守臣節制。從編脩官
李嘉謀之言也。寧宗嘉定九年。邛部川爲雲南所逼。
折歸雲南。初邛部鬼。主部庫。與其親族。崖則內自攻。
崖則結兩林蠻。爲援。部庫聞之。懼。求救雲南。喜其附。
已。遂起兵攻。兩林蠻滅之。蠻族素忠順。自國初以來。
蔽遮雲南之路。故雲南與中國絕。及是黎州失蕃籬。
之蔽矣。自黔恭以西。至涪瀘嘉叙。自階文折而東南。
至威茂黎雅。被邊十餘郡。綿亘數千里。剛夷惡獠。殆
千萬種。自治平之末。訖於靖康。大抵皆通互市奉職
貢。雖時有剽掠。如鼠竊狗偷。不能爲深患云。

松外諸蠻

松外諸蠻數千其部。大者五六百戶。小者二三百。
數十姓。趙楊李董爲貴族。皆擅山川。不能相君長。有

城郭文字。頗知陰陽曆數。自夜郎滇池以西。皆莊躋之裔。有稻麥粟豆。絲麻薤蒜桃李。以十二月爲歲首。布幅廣七寸。正月蠶生。二月熟。男子氈革爲帔。女衣純布袷衫。髻盤如髻。飯用竹筍。博而噉之。鳥杯貯羹。如雞羹。徒跣有舟無車。死則坎地。殯舍左屋之三年。乃葬。以蠶蚌封棺。父母喪。斬衰布衣。不澡者四五年。近者二三年。爲人所殺者。子以麻括髮。墨面衣不緝。居喪婚嫁不廢。亦弗避同姓。婿不親迎。富室娶妻。納金銀牛羊酒。女所齎亦如之。有罪者。樹一長木。擊鼓集衆其下。強盜殺之。富者賞。死燒屋。奪其田。盜者倍九而償。賊姦淫則強族輸金銀請和。而棄其妻。處女。釐婦不坐。凡相殺必報。力不能。則其部助之。祭祀殺牛馬。親聯畢會。助以牛酒。多至數百人。唐貞觀中。雋州都督劉伯英。二疏言松外諸蠻。率暫附。亟叛。請擊之。西洱河天竺道可通也。居數歲。太守以右武侯將軍梁建方。發十二州兵進討。酋帥雙舍拒戰。敗走。走殺獲十餘萬。群蠻震駭。走保山谷。建方諭降者七十餘部。戶十萬九千。署首領蒙和爲縣令。餘衆感悅。西洱河蠻亦曰。河蠻。道縣郎州。走三千里。建方遣其兵自雋州道。千五百里掩之。其帥楊盛大駭。欲遁去。使

者好語約降。乃遣首領十人納款軍門。建方振旅還。二十二年。西洱河大首領楊歛松。外首領蒙羽。皆入朝。授官秩。顯慶元年。西洱河大首領楊棟。附顯河蠻大首王羅祁郎昆梨。四州大首領王迦衝。率部落四千人歸附。入朝貢方物。其後茂州西南築安戎城。絕吐蕃通蠻之道。生羗爲吐蕃鄉導。攻拔之。增兵以守。西洱河諸蠻皆臣吐蕃。開元中。首領始入朝。授刺史。會南詔蒙歸義拔大河城。乃北徙。更羈制於浪窮詔。浪窮詔已破。又徙雲南柘城黎州。領羈縻奉天等州二十六。開元十七年。又領羈縻夏梁卜貴等州三十

尾濮

尾濮。漢魏以後。在興右郡。今雲南郡地西南千五百里。徼外。其人有尾。長三四寸。欲坐輒先穿地爲穴以安其尾。尾折便死。居木上食人。俗又噉其老者。唯識母不識父。其俗有賓客。殺老以供厨。故賓婚有日。老者必泣。其地有稷及陸稻。多鹽井。饒犀象。有弓矢革鎧。以赤猱猴皮垂錫珠翡翠爲冠幘。按木濮卽尾濮也。又按南土俗傳云。拘利有東蒲羅中人人有尾。長五六寸。其俗食人。按其地並西南蒲羅。蓋尾濮之地名。

木綿濮

木綿濮。土有木綿樹多葉。又生房甚繁。房中綿如蠶所作其大如捲音拳

文面濮

文面濮。其俗劊面以青畫之。

劊音讒

折腰濮

折腰濮。其俗生子。皆折其腰。

赤口濮

赤口濮。在永昌南。其俗折其齒劊其唇使赤。又露身無衣服。

黑燠濮

濮在永昌西南。山居耐勤苦。其衣服婦人一幅布為裙。或以貫頭。丈夫以穀皮為衣。其境出白蹄牛。犀象琥珀金桐華布。又諸濮之域。皆出楛矢。爾雅曰。南至於濮。鈞。周書王會。卜人丹沙。注云。卜人西南之蠻。丹沙所出。今按。卜人。蓋濮人也。

按諸濮與哀罕地相接故附之。

交趾

交趾。本漢初南越之地。漢武帝平南越。分其地為儋耳。珠厓。南海。蒼梧。鬱林。合浦。交趾。日南。九真。凡九郡。置交趾刺史以領之。後漢置交州。晉宋齊因之。又為交趾郡。陳亦因之。隋平陳廢郡置州。煬帝初廢州置

郡。唐武德中。改交州總管府。至德中。改安南都護府。
朱梁正明中。土豪曲承美。專有其地。送款於末帝。因
授承美節鉞。時劉陟擅命。領表遣將李和順伐承美。
執之。乃并其土宇。後有楊廷藝。紹洪。皆受廣爲南署。
繼爲交趾節度使。紹洪卒。州將吳昌岌遂居其位。昌
岌歿。其弟昌文承襲。宋乾德初。昌文歿。其叅謀吳處
珩。峯州刺史矯知護武寧州刺史楊暉。牙將杜景碩
等爭立。管內十二州大亂。部民嘯聚。起爲寇盜。攻交
州。先是楊廷藝。以牙將丁公著攝驩州刺史。兼禦蕃
都督部領。卽其子也。公著歿。部領繼之。至是部領與

其子璉率兵擊敗處珩等。賊黨潰散。境內安堵。部
領之。乃推部領爲交州帥。號曰大勝王。署其子璉以
爲節度使。凡三年。璉襲父位。立七年。聞太祖克平嶺
表。遂遣使貢方物。上表內附。制授璉檢校太師。靜海
軍節度使。安南都護。其進奉使。皆命以官。八年。遣使
貢犀象香藥。是歲秋。制授開府儀同三司。檢校太師。
封交趾郡王。太宗卽位。璉又貢方物。璉歿。弟璿尚幼。
嗣立。大將黎桓擅權。劫遷璿於別第。舉族禁錮。代總
其衆。太宗聞之。怒。議舉兵。弔伐太平興國五年。紹孫
全興。張璿。崔亮。以陸路兵自邕州路入。劉澄賈湜。王

僎等。以水路兵自廣州路入。是歲黎桓遣使貢方物。仍爲丁璿上表乞襲位。上察其欲。緩王師。寢不報。是時王師進討。破賊萬餘衆。斬首萬餘級。六年春。又破賊於白藤江口。斬首千餘級。獲戰艦二百艘。甲冑萬計。轉運使侯仁寶率前軍先進。全興等頓兵花步七日。以俟澄。仁寶累促之不進。澄仁及至。并軍由水路至多羅村。不遇賊。復擅廻花步。桓詐降以誘仁寶。遂爲其所害。轉運許仲宣馳奏其事。遂班師。上遣使就劾澄。湜僎澄尋病歿。湜等具伏。並戮於邕州市。全興至闕亦下吏坐誅。餘抵罪有差。仁寶贈工部侍郎。

七年。桓懼朝廷終行討滅。復以丁璿爲名。遣使貢方物。上表謝罪。八年。桓自稱權交州三使留後。遣牙將入貢。上自陳。上賜詔書。因而撫之。仍諭以遣丁璿。桓母子及其親屬盡室來歸。當降制授卿節。時黎桓已專據其上。不聽命。是歲五月。上言占城國水陸象馬數萬來寇。蠻以部兵擊走之。繫斬千計。雍熙二年。復遣使貢方物。上表求正領節鎮。三年。秋。又遣使入貢。儋州言占城國人蒲羅遏率其族百餘衆內附。言爲交州所逼。故也。是歲十月。制授桓檢校太保。使持節都督交州諸軍事。安南都護充靜海軍節度使。交

州管內觀察處置等使。封京兆郡侯。賜食邑功臣號。**端拱**元年。加檢校太尉。**淳化**元年。加特進。遣左正言直史館朱鎬往使。鎬歸闕上。令條列山川形勢事跡。以聞。鎬等具奏曰。去歲秋末。抵交州境。桓遣牙內都指揮使丁承正等。以船九艘。卒三百人。至太平軍來迎。由海口入大海。冒涉風濤。頗歷危險。經半月。至白藤。徑入海汊。乘潮而行。凡宿泊之所。有茅舍三間。營葺尚新。目爲館驛。至長州。漸近本國。桓張皇虛誕。務爲誇詫。盡出舟戰。擢謂之耀軍。自是宵征。抵海岸。至交州。僅十五里。有茅亭五間。題曰茅徑驛。至城一百

里。驛部民畜髮。稱官牛。數不滿千。揚言十萬。又廣率其民。混爲軍旅。衣以雜色之衣。乘船鼓噪。近城之山。虛張白旗。以爲陳兵之象。俄而擁從桓至。展郊迎之禮。歛馬側身。問皇帝起居畢。按轡偕行。時以楨榔相遣。馬上食之。此風俗待賓之厚意也。城中無居民。止有茅竹屋數十百區。以爲軍營。而府署湫隘。題其門曰明德門。桓質陋而目眇。自言近歲。與蠻寇接戰。墜馬傷足。受詔不拜。信宿之後。乃張筵飲宴。又出臨汊。以爲娛賓之游。桓跣足持竿。入水標魚。每中一魚。左右皆叫譟歡躍。凡有宴會。預坐之人。悉令解帶。冠以

帽子。桓多衣纈。及紅色之衣帽。以真珠爲飾。或自歌勸酒。莫能曉其辭。嘗令數十人扛大蛇。長數丈。饋於使館。且曰。若能食此。當治之爲饌。以獻焉。又羈送二虎。以備縱觀。皆却之不受。士卒殆三千人。悉黥額曰。天子軍。量以禾穗。日給。令自舂爲食。兵器止有弓弩。木牌。梭槍。竹槍。弱不可用。桓輕脫殘忍。昵比小人。腹心闇豎。五七輩。錯立其側。好狎飯。以手令爲樂。凡官屬善其事者。擢居親近。左右有小過。亦殺之。或鞭其背。一百至二百。賓佐小不如意。亦捶之。三十至五十。黥爲閹吏。怒息。乃召復其位。有木塔。其制樸陋。桓一

日請同遊覽。地無寒氣。十一月。猶衣夾衣。揮扇。四年。進封桓交趾郡王。五年。遣牙校費崇德等來脩貢。然桓性本凶狠。負阻山河。屢爲寇害。漸失藩臣之禮。至道元年。春。廣西路轉運使張觀。欽州如洪鎮。兵馬監押衛昭美。皆上言。有交趾戰船百餘艘。寇如洪鎮。掠居民。劫廩實而去。其夏。桓所管蘇茂州。又以鄉兵五千寇邕州。所管祿山都巡檢楊文傑。擊走之。太宗志在撫寧。荒服不欲問罪。旣而遣李若拙。賞詔。并美玉帶。往賜。旣至桓州。郊迎。然辭氣尚悖慢。謂若拙曰。向者劫如洪鎮。乃外境蠻賊也。皇帝知此。非交州兵否。

若使交果叛命。當首攻番禺。次擊閩越。豈止如洪鎮而已。若拙從容以語折之。桓頓首謝。真宗卽位封南平王。兼侍中。桓遣使來貢。賜詔書慰獎。先是使至交州。桓卽以貢賦爲辭。因緣賦歛。上聞之。止令強吏召受。綸命而不復專遣使者。景德元年。遣其子攝驩州刺史明提來貢。懇加恩使至本道。慰撫遐裔。許之。三年。桓卒。立中子龍鉞。兄龍全劫庫財而遁。其弟龍挺殺龍鉞自立。龍兄明護率扶闌寨攻戰。明提以國亂不能還。詔廣州優加資給。乃以邵曄爲沿海安撫使。令曄譬之。曄貽書交州。諭以朝廷威德。如其自相魚

肉久無定位。偏師問罪。則黎民盡滅矣。明護懼。卽奉龍主軍事。欲修貢。詔許之。乃遣弟峰州刺史明旻等入貢。詔授龍挺檢校太尉。靜海軍節度處制等使。安南都護御史大夫。上柱國。交趾郡王。賜食邑。功臣號。仍賜名至忠。又追贈桓中書令。南越王。官其進奉使。大中祥符元年。東封畢。加同平章事。增食邑。功臣號。至忠遣使入獻。三年。求互市於邕州。詔止。仍舊制。止許於廉州。及如洪寨互市。蓋以邕爲邊隅。控扼之所。或直趨內地。事非便故也。至忠。裁年二十六。苛虐不法。國人。不附。大校李公蘊。尤爲至忠親。任嘗令

以黎爲姓其年遂圖至忠遂殺其弟明提明昶等自稱留後遣使奉貢上曰黎栢不義而得公蘊尤而效之甚可惡也然以蠻俗不足責遂用栢故事授公蘊檢校太傅節度都護御史大夫上柱國交趾郡王實封功臣號後加同平章事開府儀同三司又其官進奉使其後或間歲或仍歲以方物入貢天禧中進封南平郡王檢校太尉仁宗卽位入貢加檢校太師天聖六年卒子德政遣使告哀詔命使弔祭贈公蘊侍中南越王授德政襲爵明道初加同平章事景祐初部人陳公永等六百餘人內附德政遣兵十餘境上

捕逐之紹遣還仍詔德政毋輒誅殺尋遣使人貢加檢校太師三年其甲峒及諒州門州蘇茂州廣源州太發峒丹波縣等蠻寇邕州之思陵州西平州石西州及諸峒略居人馬牛焚室廬而去下詔責問且令捕酋首正其罪以聞實元元年進封南平王康定元年慶曆三年六年七月俱遣使入貢詔官其貢使初德政發兵取古城朝廷疑其內蓄姦謀乃訪自唐以來所通道路凡十六處令轉運使杜杞度其要害而戍守之然其後亦未嘗寇邊前後累貢馴象皇祐二年邕州誘其蘇茂州韋紹嗣紹欽等

三千餘人入居省地德政表求所誘詔盡還之仍令德政約束邊方毋得侵犯其後儂智高反德政率兵二萬由水路欲入助王師朝廷優賜而却其兵至和二年德政卒子日尊遣人告哀詔遣使弔祭贈官及命日尊世襲如故事嘉祐三年貢異獸人四年寇欽州思廩管五年與甲洞賊寇邕州詔知桂州蕭固轉運使宋咸提刑李師中同議掩擊又詔安撫使余靖等發兵討捕靖遣諜誘占城同廣南兩路兵甲趨交趾日尊惶怖上表待罪詔未得舉兵聽其貢奉八年入貢四月以仁宗皇帝遺留物賜日尊加同平章事神宗即位進封南平

王加開府儀同三司二年表言占城國久缺貢臣親帥兵討之虜其王詔官其使自是日尊自帝其國僭稱法天應運崇仁至道慶成龍祥英武睿文尊德聖神皇帝尊公蘊爲太祖神武皇帝國號大越僞改元寶象又改神武五年日尊卒子乾德嗣來告哀詔遣使弔贈授乾德襲封如故乾德幼母黎氏號太妃與宦人李尚吉同主國事於是知桂州沈起籍溪峒丁爲王民擅納知思倩州儂善美於內地帝慮其妄發以激蠻禍亟罷之代以劉彝乾德乞還善美并其屬民七百人。不許彝又言廣源州劉紀以兵畧邕管歸

化州。儂智會率其子進安逆戰有功。詔授進安供奉官。初廣西屯北兵二十指揮。交人畏之。彝奏罷正兵。而用槍仗手分戍。聽偏校言。以爲安南可取。大治戈船。交人來互市。率皆遏絕。表疏上訴。亦不得通。八年冬。遂分三道入寇。一自欽州。一自廣府。一自崑崙關。連陷欽連二州。廉土丁八十守城。皆驅令負檐登舟。已而盡殺之。又陷邕州。殺守將蘇緘。屠其民五萬餘口。詔以趙尚爲安南道行營都總管。經畧招討使。李憲爲副使。帥大軍南征。尋罷憲。而以宣徽南院使郭逵爲招討使。改高副之。九年十二月。破蠻決里隘次。

富良江蠻以精兵乘船逆戰。逵擊破之。殺其王子洪真。乾德懼。遣使奉表詣軍門納款。富良去其國不遠。逵不敢度。官軍八萬。死者什六。得其廣源州。門州。思浪州。蘇茂州。及梳榔縣而還。逵高皆得罪。詔改廣源爲順州。命西上閣門使陶弼知州事。餘皆卽用其酋長。乾德乞再修職貢。還所奪州縣。詔報之曰。卿撫有南交。世受王爵。而乃背德。奸命。切暴邊城。棄祖考忠順之圖。煩朝廷討伐之舉。師行深入。勢蹙始歸。迹其罪尤。在所絀削。今遣使修貢。上章致恭。詳觀辭情。灼見悛悔。朕撫綏萬國。不異邇遐。但以邕欽廉之民。遷

劫炎陬。久失鄉井。俟盡送還省界。卽以廣源等賜交州。乾順初約歸三州官吏千人。久之才送民二百二十一口。男子年十五以上皆刺額曰。天子兵二十以上曰。投南朝。婦人刺左手曰。官客。以舟載之而泥其戶牖。中設燭。燭日行一二十里則止。而僞作更鼓以報。凡數月乃至。蓋以紿示海道之遠也。順州落南。深置戍鎮守。被暹瘴霧多病沒。陶弼亦終於官朝廷知其無用。乃悉以四州一縣還之。然廣源舊隸邕管羈縻。本非交趾所有也。元豐五年獻馴象二。犀角象齒百。六年以追捕儂智會爲辭。犯歸化州。又遣其臣黎

文盛來廣西辨里。順安歸化境界。經畧熊本。遣左江巡檢成卓與議。文盛稱陪臣不敢爭執。詔以文盛能遵乾德恭順之意。賜之袍帶及絹五百匹。仍以八隘之外。保樂六縣宿桑。又峒予乾德。哲宗立。加同中書門下平章事。元祐中。又數上表求勿惡勿陽峒地。詔不許。二年遣使入貢。進封南平王。徽宗時累加開府儀同三司。檢校太師。大觀初。貢使至京。乞市書籍。有司言法不許。詔嘉其慕義。除禁書。卜筮陰陽曆筭術數兵書。勅令時務邊機地里外。餘書許買。政和未。又詔以交人自熙寧以來。全不生事。特寬和市之

禁宣和元年。加乾德守司空。建炎元年。乾德上表。乞
禁本道邊兵。逃入省地。詔令廣西經畧司約束。四年。
入貢。邊事未寧。免使人詣闕。所進方物。除華靡不受。
餘就界所交。從本路提刑司。依例計價。回賜。其表遞
進。令學士院降勅書回荅。自後每遇入貢。卽行之。詔
興二年。乾德卒。子陽煥立。八年。陽煥卒。子天祚立。俱
遣使弔祭。贈官襲封如故事。九年。廣西帥司言。乾德
有側室子。奔入大理。改姓趙。名智之。自號南平王。知
陽煥歿大理。遣還。欲與天祚爭位。天祚與之敵。又聞
趙智之欲進。奉借兵。見已說論約。四詔却之。自後貢

紹

奉不絕。累加功臣號。二十五年。加檢校太師。增食邑
孝宗卽位。加功臣號。隆興二年。遣使尹子思等入貢。
九年。復遣入貢。自上卽位。每遣使來。邊吏以聞。諭使
歸國。至是懇忱備至。上錄其善意。許焉。至館於懷遠
驛。禮部以安南使久不至。移文客省。詢訪土俗人物。
圖畫衣貌。如舊制焉。淳熙元年。正月。引見安南進奉
副使。二年。詔安南入貢。禮意可嘉。令有司討論賜國
名典故。以聞。於是特賜安南國名制。南平王李天祚
特授。依前官封安南國王。仍加守謙功臣。上以天
祚嗣位四十年。故厚其禮。封以安南國焉。舊日章奏

行移。止稱安南道。加封之後。浸自尊大。文書稱國。不復可改矣。押伴安南進奉梁衍。言安南入貢。所過州縣。差夫數多。自靜江水路可至容州。又自北流遵陸一百二十里至鬱林。自鬱林州水路可至廣州。皆有回脚鹽船運鹽牛車。可顧自廉航海一日之程。卽交趾。則從靜江而南。二千餘里。可不役一夫而辦。詔逐路帥臣。詳其陳行。旣而尹子思等。以爲涉夏水溢。乞依例由欽州路以歸。二年。安南國請印。以安南國王之印。六字爲文。賜之。其印比附樞密尚書省印方二寸。仍給牌。皆以銅鑄。塗金爲飾。三年。賜安南國曆日。

有司言天祚已薨。其子未有對爵。欲作賜安南國王嗣子龍翰。勅書從之。四年。授龍翰襲爵故事。其王初立。卽封交趾郡王。久之。進南平王。歿則贈侍中南越王。時詞臣周必大行制曰。卽樂國以肇封。旣從世襲。極真王而錫命。向待次。升言不復封郡王。蓋異禮也。五年。上表進方物稱謝。九年。廣西經略司言安南國已辨方物。投進土日象。乃無用之物。經由道路。重擾吾民。郤不受其入貢之物。十受一。光宗登極。經略司言安南國修章表。備土宜貢賀。詔受一分。於界首交割。本司言紹興中。壽皇登極。貢物盡行收。

受今若止受十一之數却恐本國致疑禮部勘當如
隆興例全受不回賜寧宗嗣位依例賜器幣加食邑
功臣號 嘉定五年龍翰薨詔遣弔祭贈官如故事
以子吳昌襲封其爵位給賜如龍翰始封之制自李
公蘊篡奪之後至吳昌傳入世其名曰日曰乾曰陽
曰天曰龍皆有僭上之意而累朝以其僻在海隅不
復與較也

石湖范氏桂海虞衡志曰今安南國地接漢九真
日南諸都及唐驩愛等州東南薄海接占城占城
林邑也東海路通欽廉西處諸蠻西北通邕州在

邕州東南隅去左江太平寨最近自寨正南行至
枕榔花步渡富良白藤兩江四程可至又自寨東
南行過丹特羅小江自諒州入六程可至自右江
溫潤寨則最遠由欽州渡海一日至歷代爲郡縣
國朝遂在化外丁氏黎氏李氏代擅其地熙寧間
乾德初立其大臣用事嗾之叛八年遂入寇陷邕
欽廉三州朝廷命郭達等討之賊驅象拒戰官軍
以大刀斬象鼻象奔卻自蹂其徒大兵乘之賊潰
乘勝拔枕榔縣知縣交主之婿逃伏草間窺見王
師獲賊擘食之以爲天神歸報其主曰苟可逃命

子孫勿犯天朝大軍次富良江去都獲府四十里
殺僞太子擒其大將乾德大惧奉表乞降會北兵
多病瘴乃詔赦交趾還其五州朝廷以遠不能遂
取交州黜爲武衛上將軍是役也調民夫八十七
萬有奇金穀稱是迄無駿功大率自端拱迄嘉祐
以來兩江州洞數爲蠻所侵軼潛舉以外鄉蘇茂
廣源甲洞等處入交跡者六十二村故至今長雄
諸蠻乾德死子陽煥立陽煥歿乾德有遺腹子屬
之占城奉而立之或云有黎牟者乾德妻黨也嘗
爲李氏養子殺遺腹子而立冒姓李氏名天祚實

紹興九年其國人猶稱黎王二十六年遣使入貢
朝廷因以李氏官爵命之天祚貌豐皙今生三十
九年矣有兄嘗知諒州謀奪其位事覺流雪河州
髡爲浮屠凡與廣西帥師及邕州通訊間用二黑
漆板夾繫文書刻字於上板謂之木夾文書稱安
南都護府天祚不列御而列其將佐數人皆僭官
稱有云金紫光祿大夫守中書侍郎同判都護府
者其意似以都護府如州郡簽廳也帥司邊州報
其文書亦用木夾桂林掌故有元祐熙寧間所藏
舊案交人行移與今正同印文曰南越國印近年

乃更用中書門下之印。中國之治畧荒遠。邊吏又
憚生事。例置不問。由來非一日矣。其國之官稱王
宗族稱天王。班。凡族稱承嗣。餘稱支嗣。有內職外
職。內職治民曰輔國太尉。猶宰相也。左右郎司空。
左右郎相。左右諫議大夫。內侍員外郎。以上爲內
職。外職治兵曰樞密使。金吾太尉。都領兵領兵使。
又有判及通判。安南都護府。皆爲外職。仕者或科
舉。或任子。或入貲。科舉最貴。工技奴婢之子孫。不
許應舉入貲。始爲吏職。再入貲補承信郎。可累遷
爲知州。在官者無俸給。但付一方之民。俾徯人屬

耕魚以取利。勝兵卸龍武。勝龍翼。蟬殿光武王階
捧日保勝等。皆有左右。每軍止二百人。橫刺字於
額曰天子兵。又有雄畧勇捷等九軍。充給使如廂
軍。兵士曰一踐。更暇則耕種。工藝自給。正月七日。
人給錢三百。細絹布各一疋。如細網而蒙之以綿。
月給禾十束。以元日犒軍。人得大禾飯一椀。魚鮓
數枚。其地多占米。故以大禾爲貴。正月。四月。酋推
牛饗其臣。七月。五日。爲大節。人相慶。遺官僚以生
口獻其酋。翌日。酋開宴酬之。酋居樓四層。上以自
居。第二層。御宙居之。中人也。第三層。箇利就居之。

老鈴下之屬也。第四層軍士居之。又有水晶宮。天元殿等諸僭擬名字。門別有一樓。猶榜曰安南都護府。屋皆朱漆。柱畫龍鶴仙女。交人無貴賤。皆椎髻跣足。酋平若亦然。但珥金簪。衣黃衫紫裙。餘皆服盤領四裙。皂衫不繫腰。衫下繫皂裙。珥銀鐵簪。曳皮履。執鶴羽扇。戴螺笠。皮履以皮爲底。施小柱以拇指夾之。而行扇編鶴羽以辟蛇。螺笠竹絲縷織。狀如田螺。最爲工緻。婦人多哲。與男子絕異。好着綠寬袖直領。皆以皂裙束之。酋出入以人輓車。貴僚坐幅布上。掛大竹兩夫舁之。名抵鴉。歲時不

供先病不服藥。夜不燃燈。上巳日。男女集會爲行列。結五色綵爲毬。歌而拋之。謂之飛馳。男女自成列。女受馳男婚以定。宮門有大鍾樓。民訴事卽撞鍾。大辟或付仇家。使其甘心。盜賊斫手足指逃亡。斷手足。謀叛者。埋身土中。露其頭。旁植長竿。挽竹繫其髻。使其頸伸。利錘一剗之。其頭剗標竿杪。客久境外。鞭尸大罵。以爲背國。土產生金。及銀。銅。朱砂。珠貝。犀象。翠羽。車渠。諸香。及鹽。漆。吉貝。之屬。果惟有甘橘。香圓。檳榔。扶留藤。新舊縣隔一小江。皆出香。新州故真臘地。侵得之。不能造紙筆。求之省地。

其人少通文墨。閩人附海船往者。必厚遇之。因命之官。咨以決事。凡文移詭亂。多自遊客出。相傳其祖公蘊。亦本閩人。又其國土人極少。半是省民。南州客旅。誘人作婢僕。檐夫至州洞。則縛而賣之。一人取黃金二兩。州洞轉賣入交趾。取黃金三兩。歲不下數百千人。有藝能者。金倍之。知文書者。又倍。面縛驅行。仰繫其首。俾不省來路。既出其國。各認買主爲奴終身。皆刺額上爲四五字。婦人刺胃乳至肋。拘繫嚴酷。逃亡必殺。又有秀才僧道技術。及配隸亡命逃奔之者甚多。不能鼓鑄泉貨。純用中

國小銅錢。皆商旅洩而出者。按掠賣婢奴。與士人遊邊。及透漏錢寶出外界。三者法禁具在。今玩弊如此。蓋安撫都監。沿邊溪洞。司不得人。邊政頽靡。姦軌肆行所致。日茲月長。未艾也。及邊吏多無財用。植立竊斗升。瘠土苟活待盡而已。何暇顧邊防國士者。宜痛心疾首焉。然交人自熙寧敗降後。亦不復敢猖獗。南陲奠枕。且百年。紹興十二年。妖人譚友諒。竄入思浪州。詐稱奉使。諭下州洞。天祚大恐。已而帥司檄安南。補友諒。邕州又以無辜告身。招之。友諒與歸順首領二十餘人。各奉其銅印地


圖土物詣橫山。知邕州趙愿縛友諒赴帥司斬之。首領悉送還安南。皆歿。交趾安居。至今無議之者。乾道八年春。上言願賀朝聖主登極。詔廣西經畧司貢使來者免至廷。方物受什一。其秋復有詔下。經畧司買馴象十以備郊祀。鹵薄。經畧李德遠浩用木夾事。移交趾買之。蠻報不願買。願以備貢。明年春。余至官。屢引前詔。却其貢。祀期寢。近朝命督象若星火。蠻復款塞。六象及方物。將至塞下。若不許貢。皆引歸小蕃。寧敢與朝廷爲市。余以其狀聞。且移書時相。謂欲却其貢。併象勿湏可也。祀以一

純二精寧乏此。俄有金字牌下。差官押伴至闕。比及桂林已秋末。以十象爲賀登極。綱五象爲進奉。大禮綱表字如蠅頭。僅可見其象飾。禮物則有金御乘象羅我羅我如鞍架之狀。及金裝象牙鞘。金象額。金銀裏象鈎連同心帶。金間銀裝象額。金銀裝朱纏象藤條。金鍍銅裝象腳鈴。裝象銅鐸連鐵索。御乘象繡坐篔簹。裝象犖牛花朵。御乘象朱梯。御羅我同心龍頭帶等。餘物則有金銀鈔鑼。沉水香等。大使稱中衛大夫尹子思。正使承議郎李邦正。副使忠翊郎阮文獻。其下有職員書狀官。都衙通

引知客監。綱孔目行首押衙。教練象公長行防授
 官之屬。此等入朝。則稍更其服器。使者幘頭靴笏。
 紅鞋金帶犀帶。每夸以金箱之。又以香膏沐髮。如
 漆裏細指烏紗巾。足加履襪。使者乘涼轎釘較髹
 漆甚飭。蓋得至中國。盡變椎髻徒跣抵鴉之制。先
 是紹興二十六年。嘗入貢。參知政事施公。久任帥
 桂。循舊例。以刺字報謁。且用行厨。宴於其館。余悉
 罷之。使者私謂衙校曰。施參政惠顧厚。今柰何悉
 罷去。余使人諭之曰。經畧使司與安南都護府埒
 經畧使與南平王比肩。使者是都護府小官。總

桂林曹掾官。比法當庭參。不然不見也。使者屈伏
 遂庭參。其歸也。至欲列拜。余使人掖之曰。免拜。余
 奏其事。且著于籍。以為定制。又辨今安南非古交

趾已見輿地考交州條下不再錄



五月丙寅。命。以。分。省。之。功。以。有。功。之。人。以。爲。勳。賞。以。示。優。異。其。有。不。稱。者。亦。宜。加。以。勸。懲。使。者。來。京。輜。釘。鼓。聲。

益。得。至。中。國。盡。變。雅。俗。德。號。抵。鶴。之。制。先。

十六年。嘗。入。貢。參。知。政。事。施。公。久。任。郎。

過。限。制。不。再。雜。

奏其事。且。替。于。辭。以。爲。家。歸。又。辨。今。交。南。非。古。交。

滋。孰。參。其。調。出。至。俗。既。拜。余。對。人。對。之。曰。與。拜。余。

封。林。曹。對。冒。此。式。當。與。參。不。然。不。見。也。對。皆。出。於。

